



駱文忠公奏議

署首  
吳江楊慶麟



駱文忠公遺像

皤皤國老秩々大猷忠誠內矢神識

外周薇垣日直柏府風道封圻建節  
幃幄運籌轂推群彥旗埽蚩尤功高  
玉壘名覆金甌湘江澤被劍閣勛留  
允文允武不競不綈其緩帶輕裘羊  
斟子實綸中羽扇武鄉侯

受業劉長佑恭題



人臣告君之辭商周以前多見於經  
秦漢而降多見於史自唐宗以至  
國朝人自為無顯晦不一其尤著者  
在唐為陸宣公在宋為李忠定公二  
公之文體極不相同其存理明達  
又出以忠愛之忱則雖相去數百年  
其揆一而已矣故相國花縣駱文忠

序

公杜威豐同治朝以勲德重海內所  
為章疏尤為當世所稱邱鈔一出  
人爭傳寫擢川督時楚南刻駱  
大司馬奏議十有六卷皆摭湖南  
時所作入蜀後諸疏未之刻也公薨  
三十一年公子郎中天保乃併已刻  
者合鐫諸本凡二十七卷疎乃得而盡

讀之凡公之所以固圉靖寇亂厘民  
生而飭吏治者舉見於一編之中而  
於人才之賢否軍事之得失凡三致  
意焉雖未嘗致飾文采要其總  
國之忠讀者自可於言外得之有德  
者必有言以視陸李二公殆無所於  
媿矣抑猶有進焉者宣公在唐事

序

二

懷宗猜忌之主所言固不盡用忠定  
當南北宋之交崎嶇艱阨之際所上  
諸疏幾於痛哭流涕當時亦莫之  
聽也而文忠公遭逢

聖明凡所陳奏朝上疏而夕

報可明良一德始終喜間用能戡定  
大亂鬱成中興此陸李二公當日禱

祀以取而不可幾者而公竟得之然則  
讀此一編非特考知公之勳業且用  
以闡見我

國家任賢勿貳聽言勿輟迨以比隆商  
周而非唐宋以來所能仰望於萬一  
也於乎豈不懿哉

光緒戊寅大寒後一日山陰汪琰篔

序

三

國史列傳

賂秉章廣東花縣人道光十二年進士改翰林院庶吉士十三年散館授編修十八年十月

以御史用十一月補江南道監察御史十九年五月稽查北新倉六月掌江南道監察御史二十年三月充會試同考官八月充順天鄉試同考官十月稽查銀庫二十一年補工科給事中二十二年二月遷鴻臚寺少卿五月擢奉天府府丞兼學政二十三年因查庫時失察庫吏虧短部議革職仍罰賠庫欵旋以限內全數完繳

賂文忠公列傳

特旨以庶子用二十四年七月補授詹事府左庶子充

日講起居注官十月以山東肥城縣知縣長喆失察胥役詐贓及差役之子蒙混報捐秉章奉

命偕賡福馳往查辦尋查明叅奏虢長喆職二十五年丁母憂二十七年服闋二十八年五月奉

命偕福濟馳赴河南查辦事件七月補右庶子八月查明禹州知州李嘉禮柘城縣知縣羅景鄂固始縣知縣嚴圻前任固始縣知縣張庭瑜安陽縣知縣朱顯曾等贓私不法各情奏請治如律並將挑濬賈魯河工程情形據實密陳旋遵



旨由河南馳赴江蘇查明知府周沐潤知縣秋家丞等七員被參各款請分別治罪

諭曰封疆大吏於屬員賢否原應隨時察看若必待欽差始將劣員懲辦安用此大吏爲耶該督等均著交部議處駱秉章不將該上司隨案附參亦屬疏忽著傳旨申飭時東南洋面不靖苦累商民疏言洋面遼濶宜飭海疆督撫提鎮督飭水師嚴密偵探更添配兵船互相堵截不得稍分畛域

詔如所請十月擢翰林院侍講學士途次接奉

諭旨折回山東查辦告病運司韋德成控案十二月擢湖

駱文忠公列傳

二

北按察使二十九年閏四月遷貴州布政使七月調雲南布政使三十年三月擢湖南巡撫十月以常德岳州水軍及辰州等八營協駐守地方收成歉薄兵丁買食維艱請借給一月餉銀

允之咸豐元年二月奏言上年武陵等處水患隄垸冲潰該處係積欠之區業民力難以全修請於司庫項下借銀發交各縣按照被淹田畝覈實修辦分年徵還又奏湖南所運荊州五幫漕糧上年被災緩徵幫丁無力辦運又無他款可籌請援案借銀三萬九千餘兩以紓丁力均如所請行時粵逆滋事



命湖廣總督程喬采往湖南偕秉章及提督余萬清督辦  
湖南防務竊會同奏言粵匪北竄象州若與賀縣  
賊匪糾合必由修仁荔浦等處經過凡湖南邊界  
相通之處均酌派官兵嚴密防堵如可相機進援  
即由提督余萬清馳往勦辦不分畛域疏入報

聞十一月訪獲衡陽清泉會匪左家發等六十餘犯伏法  
十二月查明沅江縣金盆洲等處官荒草地十二  
萬七千餘畝洵復難期奏請免租二年正月粵逆  
圍攻桂林湖南大小要隘五十餘處均關緊要秉  
章會商程喬采將前派赴粵之兵截留分布另調

駱文忠公列傳

三

沅洲豐洲永順營兵速赴永州聽候調遣三月粵  
匪由興安灌陽竄攻全州永州與全州毘連水路  
尤爲迅捷秉章飭總兵孫照帶兵馳赴零陵之黃  
沙河將灣泊各船撤歸楚岸一面將湖北續到官  
兵擇要分布四月全州失守粵匪由小路偷越竄  
抵零陵之水土橋燒毀柳公廟一帶民房復竄奔  
雙排地方五月竄入湖南陷道州

上以秉章未能先事預防並以余萬清係秉章請留楚之  
員萬清防守不力皆秉章保舉不實下部議處尋  
部議降三級留任時長沙城多傾塌秉章以省城

爲通省保障急宜擇要興修率屬倡捐經費請先  
借司庫銀二萬兩支墊

允之等以賊擾楚境

命秉章勸諭紳民仿照嘉慶年間築堡事宜自相保衛秉  
章疏言築堡之法與團練相爲表裏賊匪無從搜  
括民居亦免流離洵屬法良意美惟工程旣大需  
用浩繁且興築在事前未可臨渴掘井惟有督飭  
地方官認真試辦俟有端倪即據實奏陳旋奉

旨來京另候簡用時調任巡撫張亮基尙未抵任逆匪疊

陷嘉禾桂陽各州縣秉章以有地方之責下部議

駱文忠公列傳

四

革職

命加恩改爲革職留任八月郴州踞匪陷安仁攸縣由醴  
陵猝過長沙踞妙高峯上俯瞰城中秉章督兵登  
陣開放鎗礮相持兩時之久並於城樓上用大砲  
轟擊賊勢稍却復向大西門小西門鰲山廟等處  
潛行分駐秉章飭各鎮將分帶兵勇縋城協勦殲  
斃無數賊仍相持不退九月

諭曰自廣西軍興以來將及兩載朕念民生塗炭宵旰焦

勞無時或釋程喬采總制兩湖特命前往湖南督辦  
防堵如果布置得宜何至任賊竄越竟由道州郴州

一帶直撲省城程喬采著即革職仍留辦糧臺事務  
駱秉章有文武地方之責不能豫爲防範咎亦難辭  
惟念長沙城內守禦正當喫緊之時著俟勦辦賊匪  
完竣後再降諭旨

命暫留湖南辦理長沙防勦事宜事竣再行奏明請

旨時逆眾麇聚西門外之金鷄橋瀏陽門外之教場晝  
夜環攻廣西提督向榮綏靖鎮總兵和春雲南楚  
雄協副將張國樑先後赴援秉章以賊匪負固居  
高勦旣難以成圍焚又不能徧及我出則伏匿我  
歸則又攻城必須步步爲營先規地勢商令和春  
駱文忠公列傳

五

紫營於白沙井作以防爲勦之計三旬之中疊次  
獲勝向榮張國樑由排頭口分兩路進攻礮船繼  
進逆賊紛紛敗竄遂將妙高峯西湖橋賊壘及望  
樓哨棚一律平毀十月長沙圍解

上以粵匪竄入楚境疊陷城池秉章本有應得處分此次  
防守功過尙足相抵加恩免議仍

命遵

旨來京十一月賊竄甯鄉由歸義驛攻陷岳州以秉章未  
能豫防降三級十二月賊擾及湖北適秉章卸湖  
南巡撫任北上

上命留於湖北幫同辦理防守事宜未至而武昌失守

命暫署湖北巡撫卽於荊州襄陽二府中酌量何處暫行

駐紮辦理地方事宜三年正月官軍收復武昌

上命秉章兼程馳赴湖北省城辦理善後各事尋奏言武昌自康熙年間裁兵之變迄今百數十年休養生息民物滋豐粵逆擾及楚疆所有省垣一切撫恤事宜有如修城製礮募兵招商戢匪協撥驛站掩埋被害官民收養流亡子女事事均關緊要應次第舉辦務期措置悉協輿情而於國計仍無窒礙疏入

駱文忠公列傳

六

諭曰所籌各事宜均屬周妥著照所擬辦理所需經費當覈實動用俾窮黎得均沾實惠地方日就又安復以前任湖北藩司唐樹義熟悉湖北情形請調赴湖北以備咨詢

允之三月

命赴江南徐州總辦糧臺事務未行旋奉

旨署湖南巡撫時粵匪陷武昌後湖北雲南江西廣東廣

西等省土匪蠡起均與湖南接壤在籍侍郎曾國

藩奉

命籌辦團練號曰湘軍秉章贊成其事又延湘陰舉人左

宗棠襄理戎幕廣羅英俊之士練勇助勦軍威漸振五月江西上猶鷺形山土匪滋擾桂東秉章檄縣丞王鑫等帶兵馳往攻勦平之六月逆船竄至江西南昌城外遵

旨

派鎮筵等營兵八百名馳往援勦七月奏請飭廣東督僱拖罟快蟹紅單等船即派南澳鎮遊擊黃開廣等駛赴金陵勦賊可期得力

詔

如所請八月實授湖南巡撫時廣西興安恭城土匪擾及衡州飭道員徐嘉瑞督兵會同各處民團並力勦除廣東樂昌土匪同時擾興甯縣飭縣丞王鑫

駱文忠公列傳

七

擊退之十一月常甯土匪吳玉等聚眾滋事派知府張榮組文生曾國葆帶勇圍勦拏獲首犯燬其老巢永興亦有土匪復委直隸州羅澤南分起勦捕首要各犯多被擒斬時粵匪久踞湖北黃州攻破田鎮直逼武昌秉章以北南兩省唇齒相依檄江忠濬援鄂旋因逆船上駛竄陷岳州擾及湘陰並至靖港檄知州王鑫由陸路會國葆由水路截擊兇燄頓挫賊由洞庭下竄遂復岳州旋派貴東道胡林翼統帶黔勇分路追勦直過界口殲悍匪二百餘名四年正月賊匪再陷湖北省城旋以大

股陷華容及岳州水陸并進圍犯長沙官軍前營失利王鑫督中營繼進鏖戰數時勢亦不支水師礮船亦折回長沙共圖守禦賊遂攻長沙之靖港湘陰之樟樹港等處並分股竄及甯鄉湘潭道州各州縣秉章奏言賊勢全注湖南知衡永郴桂一帶民氣尙強其地毗連兩粵向爲會匪卵育之區希圖略取州縣剪枝葉以困腹心一如困鄂之策查南省與北省交界之處旣已千里蕭條若省南不及早肅清奸民從而響應勢成孤注難以久存即界連湖南之江西貴縣各省亦必浸受其禍且

駱文忠公列傳

八

賊據上游與江南三城之賊聲息相通皖鄂之淪胥可慮三城之克復難期所憂不僅東南數省已也湖南西接巫黔東連豫章南跨嶺嶠北控江湖其形勢原有可爲自古東南有事必資上游嘗與曾國藩籌商各省分防糜餉多而兵力薄不如數省合防糜餉小而兵力厚廣東貴州現尙安謐應飭兩省督撫迅派兵勇二三千名貴州由鎮遠而至廣東由郴州而至救援鄰省亦即自固藩籬然統馭非人精卒亦歸無用查廣東知府吳均恩威素著貴州同知韓超善戰知兵均堪膺帶勇之選

應檄來省差遣

從之四月會同禮部侍郎曾國藩精練水陸各軍更番擊賊分派副將塔齊布等攻湘潭訓導江忠淑都司李輔朝各統楚勇先後繼進知府褚汝航管帶水師駛往會合千總楊載福生員彭玉麟所統戰船四路轟擊遂收復湘潭縣城五月賊陷華容龍陽攻陷常德府分派將弁往勦六月派知府羅澤南統帶水師會同塔齊布陸軍攻復岳州府城時江路已通重湖無阻而城陵磯下游猶有伏匪七月飭塔齊布督兵進擊賊勢大潰遂抵高橋閘七月

駱文忠公列傳

九

會國藩請將胡林翼帶赴湖北秉章奏言岳州新復必有重兵防守方爲計出萬全湖南官兵之曾經戰陣者均已調赴湖北若胡林翼復行隨征岳郡實無可依恃

諭曰岳州一郡爲湖南門戶川黔藩籬逆匪屢次窺伺防範宜嚴且該處駐有重兵則曾國藩統師東下可無後顧之虞著駱秉章即飭胡林翼仍駐岳州毋庸隨往湖北先是衡陽清泉兩縣會匪甚多保甲催科弱者賠累甚苦強者勾結爲奸曾國藩奏請更正仍責成差役

上命秉章查明具奏尋以保甲催科年清年欸之已有成效責成差役人地生疎查催不易差少則地廣難圖差多則衆益滋擾是杜弊適以滋弊便民反以擾民請仍循其舊

上臚之八月廣東廣西各匪徒同時由灌陽犯道州派王鑫馳援擊退之五年二月廣東連州賊匪復分擾臨武藍山等處派知府江忠濬李輔朝等分路擊敗之克復桂陽州城時粵逆踞湖北通城分踞崇通復陷黃梅分擾武漢總督楊需勦賊失利退守漢口復遁德安三月秉章疏叅之四月武昌再陷

駱文忠公列傳

十

巡撫陶恩培死之秉章以李孟羣統帶水師不能得力奏請以副將楊載福代之與知府彭玉麟各督水師援鄂時胡林翼署湖北巡撫督陸師在金口堵勦楊需慮難固守奏請令胡林翼設法渡江上扼漢川以固荆襄

上命秉章悉心籌畫因奏言總督楊需始終堅執者防賊北竄四字以北竄之患更重於南可藉以爲詞耳防賊北竄自不能不歸重荆襄者南方可由之以進窺陝豫北方可由之以俯瞰江楚自漢魏六朝以迄宋元皆以荆襄爲重鎮若以現在之形勢言



之江西湖南雖被賊擾形勢猶完湖北安徽皆有重兵勝負尙未可知設使湖北水陸兩軍移駐漢川長江千里盡委之賊其將置東南於不問乎此未解者一也移駐漢川祇能禦賊上竄襄陽其於荊州并無輕重逆賊水陸並進荊州門戶何存此未解者二也胡林翼陸軍即駐漢川水軍無所依附勢非退守監利即移泊岳州爲湖南門戶計尙未爲失然武漢各府豈能度外置之水軍旣去武漢武漢之克復難期此未解者三也若謂賊衆兵單不思廣濟失利之初賊之前隊千餘總督麾下

駱文忠公列傳

十一

兵勇萬餘乃退守黃州未一日即退漢川由此而德安而隨州今退至棗陽矣是北竄者賊也引賊北竄者誰乎此未解者四也夫以形勢言之荊州據江水上游襄陽據漢水上游而武漢爲之鎖鑰是襄陽者中原之門戶而武漢又荆襄之門戶也扼賊北竄必固荆襄欲保荆襄必守武漢此一定之局也儻徒知北竄爲重何以合武漢而先顧荆襄胡林翼若不能克復漢陽又焉能繞道進扼漢川况武漢黃梅均未收復胡林翼縱能繞至漢川亦以孤軍而駐於四面皆賊之地又何能爲襄陽

門戶計乎此未解者五也臣因胡林翼一軍甚單現飭守備譙瓊林候補臬司魁聯抽撥兵勇赴鄂助勦楊霈所奏各條應毋庸議疏入奉

硃諭所籌尙妥惟議楊霈失機各條實屬妄談居多該督固爲虛縮有負朕恩尙不至如汝所言七月派道員江忠濟督兵擊退巴陵縣方山洞賊匪八月廣西股匪竄踞東安派知府王鑫會同江西知府劉長佑攻克之十月奏請通飭湖南有漕州縣裁汰漕規以紓民困得

旨覽奏均悉汝久任封疆所陳皆歷練有據之談非直以

駱文忠公列傳

三

耳爲目者比六年正月貴州銅仁苗匪由鎮筇竄入麻陽派道員翟誥統兵擊退之並收復晃州松桃兩廳二月江西逆匪陷萍鄉檄劉長佑及知州蕭啓江等擊退之復萍鄉城四月劉長佑等攻克瀘溪又敗於鳳凰山旋克復袁州府分宜縣捷

聞諭

曰駱秉章自前籌辦臺礮接濟曾國藩等大軍復派兵援勦貴州江西省克復銅仁松桃萍鄉萬載并勦辦廣東連州廣西灌陽湖北通城等處賊匪均能不分畛域極力圖維又派兵越境克復江西袁州分宜兩城攻奪貴州銅仁要隘二處實屬盡心調度蓋績

堪嘉著加恩賞戴花翎十一月派翟誥進勦銅仁賊匪  
破其堡城生擒僞將軍董浩然等銅仁府境肅清  
上嘉其辦理妥速十二月以任滿奏請

陛見

命俟湖南防堵事竣再行請旨七年五月道員王鑫等馳  
援江西吉安陣斬賊首胡壽階臨江之賊潛約新  
淦之賊分路來援道員劉長佑督兵擊敗之知府  
張運蘭又追敗之十二月攻克臨江府城又派道  
員蔣益澧江忠濬等援廣西克復興安直抵平樂  
八年正月

駱文忠公列傳

十三

京察屆期

諭曰湖南巡撫駱秉章籌畫軍務能任賢才悉臻安謐  
著賞加頭品頂戴九月奏保在籍兵部郎中左宗棠  
連年籌辦礮船選將練勇均能悉心謀畫得

旨左宗棠著賞加四品卿銜十一月貴州鎮遠廣西思恩

苗教各匪四出滋擾派按察使翟誥道員韓超等  
出奇兵破之毀其晃州壘塏山老巢九年七月粵  
逆石達開攻撲寶慶府城檄湖北荆宜施道李續  
宜花翎知府劉嶽昭等分路截擊斬馘甚衆賊遂  
大潰十二月秉章以湖南自江忠源羅澤南塔齊

布等先後募勇訓練百戰粵黔江鄂之間其部曲之效命疆場者請於長沙建祠致祀瞿騰龍丁紹良等或在鄰疆擊賊捐軀或在本省力戰殞命請別建表忠祠并立求忠書院令陣亡各員子弟入院讀書

允之十年六月

命馳赴四川督辦軍務十一年七月授四川總督奏調廣西候補道朱孫詒候補道孫坦知府馮卓懷隨營差委並請留廣東鹽運使裕麟於湖南辦理籌餉事宜均得

駱文忠公列傳

十四

旨允行時滇匪藍朝鼎攻綿州衆十餘萬秉章督師由順慶取道潼川派總兵胡中和擊賊於楊老店知州曾傳理攻十賢關連破逆營十餘座解綿州圍復跟蹤追擊連燬賊營七十餘座殲賊四萬餘人九月奏參四川布政使祥奎性情貪鄙副將張定川狡獪刁詐

詔褫其職十月分遣官軍追勦藍逆於羅江之略坪場等處敗之餘匪竄陷丹稜會合眉州李永和一股連營百餘里復派胡中和等分攻之同治元年正月克丹稜城藍逆殲焉捷

聞

諭曰四川總督駱秉章前在湖南巡撫任內勦辦賊匪不分畛域其所薦舉人才尤爲有裨實用自升任川督辦丹稜股匪及整頓地方均能妥速著賞加太子少保銜時逆首周錡躡由滇境竄入岳池合州分陷新甯派遣員張由庚曾傳理等擊敗之收復各城李永和猶盤踞青神檄總兵蔣玉龍周達武等追擊之擒斬逆匪周紹湧及僞統領吳禮等一百六十一名解散四千餘名川南北一律肅清捷

聞

駱文忠公列傳

五

諭曰滇匪竄擾川省已經四載駱秉章督辦甫及一年即次第勦除洵屬調度有方著交部從優議叙先是粵逆石達開由貴州廣西竄入川境直撲涪川至是圍攻綦江竄長甯分擾洪高慶縣閏八月復由永甯竄合州疊經官軍擊敗二年正月石逆被勦窮蹙率衆紆道黔滇渡金沙江冀由甯遠突犯川西秉章派兵嚴扼大渡河四月復派副將唐友耕秦將楊應剛等圍之於天全生擒石逆餘黨圍殺淨盡秉章奏入

諭曰僞翼王石達開由廣西倡亂竄擾湖南湖北江西

占踞金陵復犯浙江廣東福建等省紛擾滇黔注意  
川疆志在必逞其破城戕官荼毒生靈久爲覆載所  
不容此次川省將士人人用命將積年巨憝一鼓成  
擒全股殄滅實足伸天討而快人心駱秉章運籌決  
策調度有方深堪嘉尚著賞加太子太保銜五月滇  
匪官兵擊敗後由陝西甯羌回竄川東秉章飭總  
兵周達武追勦平之逆首郭幅潰等伏誅六月以  
川省需才孔亟請調湖南候補道馮崑前廣東按  
察使趙長齡赴川差委

從之時捐納指省之員多指其流寓之省有礙官常秉

駱文忠公列傳

六

章奏請禁止略言流寓是邦雖爲客民已在部民  
之列一旦混入寮案與地方官相抗或所捐職分  
較大動以勢分相凌使之臨民平時同居里巷之  
人易生藐玩而其親戚故舊夤緣請託情面尤難  
破除且寓居旣久鎖細皆知藉故搜求挾嫌羅織  
在所不免請令指捐之員呈明所捐省分向未流  
寓方准分發又奏各省獲盜人員應照向例送部

引

見不得由督撫指定官階保奏均下部議行三年正月

京察屆期

諭曰四川總督駱秉章連年督辦軍務疊平巨股全蜀漸次肅清於鄰省軍務及地方整頓各事宜均能實力妥籌精勤罔懈著交部從優議叙六月金陵克復粵逆蕩平

諭曰四川總督駱秉章前在湖南巡撫任內薦賢使能創辦團練克復城池其楚師餉項悉心籌畫不遺餘力及擢任四川總督後督飭官軍殄滅石逆洵屬老成持重懋著公忠加恩賞一等輕車都尉世職并賞戴雙眼花翎

九月檄官軍援甘肅漢南圍攻階州之賊拔其城

駱文忠公列傳

七

斬擒首逆餘賊悉平十一月檄官軍助勦貴州號匪越境克復仁懷縣城四年三月奏患目疾假期已滿因邊境喫緊仍力疾視事奉

諭覽奏具見矢志公忠以國事爲己任仍趕緊調治就痊以慰廑系十一月奏川軍赴援漢南死事弁兵請於階州建立專祠以慰忠魂

允之五年以目疾增劇疊請開缺回籍調理

諭曰駱秉章自簡任川督以來於吏治軍務辦理甚爲妥協現在鄰境賊氛未靖籌餉籌兵均關緊要未便據如所請著毋庸開缺賞假四個月安心調理六年

正月復屆

京察

上以秉章老成碩望宣力彌勤交部優叙三月奏請銷

假接篆任事得

旨覽奏欣慰川省鄰氛未靖該督當妥爲籌畫力顧邊防以副委任五月

命以四川總督協辦大學士十二月卒遺疏入

諭曰協辦大學士四川總督駱秉章忠誠亮直清正勤明由翰林薦擢卿階以廉介持躬仰蒙

宣宗成皇帝特達之知先後

駱文忠公列傳

六

命赴山東河南等省查辦事件旋簡授臬司擢任封疆在湖南十年練兵訓士甄拔人才東南巨寇賴以殄滅復荷

文宗顯皇帝知遇

持加頭品頂戴以示寵眷嗣

命督辦四川軍務朕御極以後即擢授四川總督統軍入蜀賞罰嚴明所向克捷滇粵各匪悉數殄除并越境攻克甘肅貴州各州縣因石逆就擒川省肅清論功行賞晉加太子太保銜旋以江南克復東南掃蕩念其昔年在湖南任內識拔將帥克振軍威忠盡感孚



勛勞夙著復賞戴雙眼花翎賞加一等輕車都尉世職本年夏間簡任綸扉老成碩望方冀克享遐齡長茲倚畀昨因舊恙復發賞假調理遽聞溘逝披覽遺章良深震悼駱秉章著追贈太子太傅卽照大學士例賜卹任內一切處分悉予開復應得卹典該衙門察例具奏并加恩予諡入祀京師賢良祠并於四川湖南兩省建立專祠其生平政蹟事實著卽宣付史館伊子駱天保著賞給郎中服闋後分部行走駱天詒著賞給舉人服闋後准其一體會試伊孫駱楸湘駱楸勤駱楸仁駱楸勳均著交部帶領引見伊姪孫

駱文忠公列傳

五

候選縣丞駱肇銓著以知縣分發省分卽補其靈柩回籍并著沿途地方官妥爲照料用副篤念蓋臣至意

賜祭一壇

予諡文忠

駱文忠公奏議總目

湘中稿

卷一 甲寅上

賊勢全注湖南請調粵黔兵勇協勦摺

會侍郎 曾雙銜

靖港擊賊互有勝負湘潭大捷克復縣城摺

會侍郎

曾雙銜

靖港敗賊下竄崇通賊匪南犯官軍三捷摺

南北兩省道路梗塞片

陳鎮由粵領解洋礮到省片

華容龍陽失守常澧喫緊派兵援剿摺

常德府城失守現籌進剿情形摺

駱文忠公奏議總目

中東兩路官軍勦賊獲勝片

鄂城失守撫

臣

帶兵勇難民來南資送赴荆摺

籌議進剿岳州情形請

旨勅催江西餉銀片

核保湘潭出力員弁兵勇摺

特參文武員弁堵勦不力摺

特參江華文武稟報勦賊不實摺

請留廢員差委摺

通籌防勦大局謹擬製辦船礮摺

請留胡臬司駐守岳州片

參劾文武各員摺

卷二

甲寅下

兩廣匪徒滋擾南界籌防情形摺

東路官軍進克湖北通城片

湖口賊退無庸派兵赴江協勦片

調兵防剿粵匪情形摺

覆陳遵

旨調兵援粵片

籌辦戰船情形摺

覆陳逆首楊秀清實非楊大鵬之子片

略文忠公奏議總目

平江紳民辦團出力請加學額摺

兩廣賊匪同時犯界各路均獲勝仗摺

詳陳兩粵賊情片

飭委紳士監造礮位片

卷三

乙卯上

永順奸匪撲城擒斬要犯首逆畏罪自盡摺

粵賊竄陷江藍廳城旋即收復片

覆陳兵丁疲乏難以赴黔片

鄂省兵潰賊竄漢口大局頓壞現籌防剿摺

請留發遣革員帶勇効力片

覆陳鄂督敗退武昌失守情形摺

請飭楊副將統領水師片

覆陳水師哨官乘亂搬搶餉銀片

廣東賊陷郴宜廣西賊陷東安衡陽武岡土匪

響應剿辦情形摺

請調羅道一軍回湘防剿摺

援粵辰沅兵丁回郴餉缺遇賊退走片

卷四 乙卯中

南北兩路剿賊獲勝情形摺

覆陳永州防堵情形並查拏安福縣門丁片

暨文忠公奏議總目

三

魁臬司屢次告病據實直陳摺

委員接帶魁臬司楚寶各勇並留遊擊差委片

北路賊已敗退南路收復東安籌辦情形摺

李副將擅離防所請革職留營効力片

東安竄賊分撲祁新官軍大捷生擒首逆摺

東安賴令深得民心請免查辦片

張守擅離防所請革職示儆片

永興茶陵失守分路剿辦情形摺

卷五 乙卯下

北路官軍大捷克復湖北通城摺

江西劉守留楚剿賊片

追剿粵賊朱逆出境片

採買淮鹽濟食分岸納課濟餉摺

北路官軍先勝後挫籌辦情形摺

南路諸軍迭勝同日克復茶陵桂陽兩州摺

廣西賊匪竄陷永明郴州桂逸匪竄擾甯遠摺

黔匪攻撲鎮筸官軍大捷立解城圍摺

卷六 丙辰上

郴州克復陣斬逆首摺

黔匪攻撲鎮筸綏靖沅州官軍擊退克復麻陽

駱文忠公奏議總目

四

晃州摺

覆陳派員帶兵會剿黔匪片

援軍克復貴州松桃廳銅仁府兩城摺

陣斬僞軍師楊逆片

永明江華克復南路肅清摺

援江官軍兩路獲勝克復萍鄉縣城摺

彙保寶衡永三府肅清出力文武官紳摺

卷七 丙辰中

援江官軍進逼袁州克復萬載縣城現籌進剿

情形摺

王道越境追剿粵匪迭勝因病請假未能速援  
江西摺

覆陳夏藩司朱牧能否帶勇片

江西賊匪竄犯瀏攸鄱茶桂各屬邊界官軍團  
勇擊退獲勝摺

賊犯湖北通城江道血戰捐軀摺

江巡撫之母捐助軍餉請封片

已革晃州廳楊通判請留任戴罪圖功片

保舉省城團防出力官紳摺

援江各軍會攻袁州鄂省援軍收復新昌上高

駱文忠公奏議總督

進攻瑞州摺

五

湖北崇通股匪狂竄入境截擊獲勝摺

澧州石門奸民滋事剿捕完竣摺

剿辦潭源洞粵匪片

酌議抽收鹽稅章程摺

卷八 丙辰下

勸捐牙帖酌議變通辦理摺

遵保堪勝道府各員摺

覆陳周委員被參勸捐激變各情摺

出師他省傷亡卹賞請歸用兵各省支領摺

貴州東界民苗俱變添派兵勇越境征剿摺  
瀝陳軍務繁難請

旨勅撥協餉摺

援江官軍克復袁州分宜郡縣兩城摺

籌撥兵餉援剿江西吉安片

北路官軍越境剿賊獲勝現辦情形摺

援黔官軍攻克三元屯三角莊逆巢摺

銅仁漸次肅清請

勅黔撫遴員履任治理片

賞戴花翎謝

駱文忠公奏議總目

六

恩摺

北路官軍肅清湖北通崇蒲通回駐岳州摺

貴州銅仁府境肅清首逆擒斬楚軍凱旋摺

覆陳籌畫援剿貴州黎平摺

卷九 丁巳上

王道帶勇剿賊請暫緩

簡放實缺摺

覆陳皖省需米實難籌辦摺

楚邊防軍迭捷收復江西旁縣摺

附陳廣西賊勢披猖片

桂東苗令請卹片

援江官軍克復新喻進逼臨江挫後復勝摺

酌保堵剿湖北江西各股匪出力文武官紳摺

覆陳查辦捐輸廣額並裕道被參各款摺

援黔官軍攻克金山錦屏馳抵黎平府城摺

彙保剿辦黔匪三次出力員弁摺

接濟各省急需摺

匪徒謀逆先期撲滅在事官紳量請鼓勵摺

卷十 丁巳中

援江官軍馳剿援賊大捷擒斬逆目摺

駱文忠公奏議總目

七

援粵官軍克復興安縣城摺

援江王道迭獲大捷摺

王道續獲大捷片

援軍克復江西龍泉周副將虛報要功請

勅江撫查明更正參辦摺

遵保北路官軍越境肅清鄂邊出力員弁摺

王道剿賊迭捷疾殲軍中摺

張丞王令戰功最著請先行獎勵片

援江官軍迭獲全勝摺

援江官軍進剿阜田回竄逆匪兩獲大勝片



請催黔省古州鎮道並各縣文武迅赴新任片

卷十一 丁巳下

請撥七年漕折濟餉摺

援粵官軍大捷進圍平樂府城摺

保舉援軍克復廣西興安出力員弁摺

援粵官軍克復平樂府城首逆就擒摺

援軍將領濫收游勇債事請

旨革訊摺 會鄂撫胡雙銜

援江官軍大捷擊退石逆大股摺

援江官軍克復臨江府城摺

監文忠公奏議總目

八

支放楚勇口糧章程片

保舉防軍越境克復江西龍泉崇義上猶各縣

城出力員弁摺

卷十二 戊午上

賞加頭品頂戴謝

恩摺

查明已革都司實無潛逃懇請開復摺

劉道假歸所部委員接帶片

協濟廣西軍餉軍火摺

朱道遵調前赴廣西起程日期片

保舉鹽茶釐金兩局出力官紳摺

遞陳湖南籌餉情形摺

援江官軍克復崇樂宜南及撫建兩府城摺

彙保援軍克復江西臨江出力員弁摺

劉道長子請獎主簿藍翎片

籌議分軍援浙摺

覆陳曾侍郎起程赴浙日期摺

蕭道假歸所部聽曾侍郎汰選片

覆陳胡藩司未曾經歷戰陣片

保舉援軍克復廣西平樂出力員弁摺

駱文忠公奏議總目

九

卷十三 戊午下

安鄉縣抽釐助餉請復學額摺

外委卹典重給請

旨勅部註銷片

援江官軍會克吉安府城摺

生擒吉安首逆李雅鳳片

接濟援江軍餉數目大端片

保舉剿捕澧州石門土匪出力員紳摺

遵

旨調兵援皖摺

暫留丁憂知府帶勇剿賊片

安徽李藩司所部濫招游勇據實陳明片  
皖軍失利聞賊遠竄敬陳管見摺

加增曾侍郎援閩軍餉片

借動八年漕折濟餉摺

調兵援剿黔匪獲勝進攻鎮遠摺

援黔官軍加增長夫片

接濟貴州韓道軍餉緣由片

保舉援軍克復江西撫建各城出力員弁摺

參劾永州樊鎮違例乘輿私役弁兵摺

昭文忠公奏議總目

十

參劾栗署鎮規避取巧片

卷十四 已未上

江西大股賊匪竄擾南路籌辦情形摺

查明已革總兵劣蹟有據請提省究辦摺

賊撲永州祁陽官軍大捷籌辦情形摺

辰州木關移設常德裕課籌餉摺

請撥川陝江西三省協餉摺

賊勢趨重寶慶官軍剿辦情形摺

逆賊盡竄湖南無庸撥兵援粵片

請調李道總統寶慶諸軍片

卷十五 已未中

代奏李職員謝

恩摺

保舉援軍克復江西吉安出力員弁摺

凌都司請卹片

寶慶援軍大捷府城解圍摺

逆賊窮蹙南竄官軍追剿楚境漸次肅清摺

另股賊匪竄擾南路各屬防剿情形摺

代奏永州周鎮謝

恩摺

賢文忠公奏議總目

十一

會保援江官軍新城八捷出力員弁摺

剿辦兩粵股匪連獲大捷現籌情形摺

援粵官軍獲勝桂林重圍漸解摺

逆目周學韓等投誠片

卷十六 已未下

覆陳粵西重圍已解及蔣藩司用兵情形摺

剿辦粵西回竄股匪擒斬逆渠摺

解還湖北借撥火藥片

楚軍越境剿辦粵匪獲勝摺

查參桂陽等縣失守文武摺

彙保援黔官軍出力員弁及邊防文武摺

援黔官軍克復鎮遠府衛兩城摺

楚軍越境剿辦廣東未洞賊匪擒斬首逆摺

請建表忠祠求忠書院摺

湖南軍餉缺乏黔餉請

勅部議摺

蕭道一軍改道馳赴黔蜀之交摺

楚軍剿辦黔匪獲勝並飭田鎮由黎平進剿片  
請留處州劉鎮差委片

庚申

暨文忠公奏議總目

十二

皖賊上犯請調蕭道全軍改道援皖固鄂摺

續刻四川奏議

卷一

四川營務廢弛情形疏

籌湖南湖北兵勇疏

粵匪過楚籌辦防勦并料理入川疏

交卸日期疏

設立糧台片

同劉蓉入川片

用木關防片

起程日期并籌軍祠疏

提用夔重錢糧稅片

調同彭洋中祥麟入川片

石逆竄楚飭兵援勦疏

蕭軍抵湘潭疏 以上十年

卷二

調軍援鄂疏

川省軍務疏

定遠獲勝疏

統將陣亡疏

駱文忠公奏稿總目

十三

再奏黃澗熙死事片

先籌布置疏

添募川勇疏

綿州解圍疏

綿州解圍大概情形片

聲明藍朝鼎非藍二順片

總督謝恩疏

定遠解圍撤銷移獎片

大破藍逆疏

奏參尹士超唐炯片

卷三

覆奏福濟崇實疏

叅祥藩司張副將片

接篆日期疏

進勦眉州李逆大勝疏

調回劉嶽昭赴川片

勦辦畧坪獲勝藍逆併趨眉州疏

叅孫坦鄒壽昌片

奏謝遺念疏

石逆漸至川疆疏

通籌東南大局疏

克復丹稜藍逆授首疏

卷四

攻勦青神獲勝疏

石逆迫近川疆疏

克復新寧並解墊江圍疏

中旗髮逆上竄獲勝斃首逆疏

攻石逆獲勝涪州解圍疏

收復青神生擒賊首疏

嚴防滇練入川疏

奏雲南捐務仍在瀘州片

雲南徵兵撥餉力實未逮疏

克復太平餘賊遁入陝境疏

張亮基奏章未妥片

林自清帶練入川疏

圍攻李逆疏

綦江解圍進攻長甯疏

攻克長甯疏

查訪西藏情形疏

籌解滇餉疏

賢文忠公奏稿總目

西藏請派大員辦理疏

瞻對擾亂土司片

粵省捐釐未得宜疏

滇匪被團練擊敗疏

卷五卷五

散遣滇練酌留林自清疏

攻克八角塞疏

遣劉蓉往龍窩場視師

石逆不能竄郎陽片

漢南援軍先勝後挫疏



進攻龍窰場首逆就擒疏

石逆敗竄黔境疏

覆奏郭逆情形疏

攻勦周曹兩逆疏

石逆回竄疏

覆查滇黔近日情形疏

生擒周逆疏

舊疾復發疏

令攻石逆獲勝并郭逆回竄疏

覆奏鶴游坪無匪宜防石逆片

駱文忠公奏稿總目

十六

生擒郭逆疏

查覆毛震壽疏

攻克髮逆堅巢疏

卷六

遵旨覆奏疏

患病增劇片

請遣嚴樹森督援陝兵片

報雲南近日情形

會勦漢南逆匪疏

請撤回西藏土兵片

密陳西藏情形疏

生擒石逆疏

石達開供詞片

覆奏雲南情形疏

田興恕碍難辦理疏

再籌田興恕片

覆奏李雲麟

雲南撫臣抵川疏

請禁花縣煤廠疏

覆查漢南賊勢疏

駱文忠公奏稿總目

覆奏雲南銅鉛不足靠疏

密陳西藏情形請權宜辦理疏

官軍攻勦滇邊逆匪大獲全勝疏

以上二年

卷七

克復疊溪營城疏

黔匪闖入邊境攻勦獲勝疏

川省捐釐請照舊章辦理疏

覆奏劉蓉文格朱孫詒李概疏

川省釐金不能加脩疏

體察滇省情形疏

覆奏西藏疏

啟蔡二逆竄擾漢南疏

攻勦各路滇匪獲勝疏

覆奏川兵難調疏

克復仁懷縣城疏

截勦黔匪疏

覆查西藏暨瞻對情形疏

攻勦滇匪獲勝疏

攻勦階州逆匪獲勝疏  
以上三年

卷八

駱文忠公奏稿總目

十八

攻勦階州續勝疏

胡中和自陳不能督帶片

統籌新疆各省用兵緩急疏

攻勦階州大勝疏

統籌滇黔用兵緩急疏

覆奏川省難移兵甘肅疏

覆奏川屯不可用疏

分勦滇黔股匪獲勝疏

會勦階州逆匪獲勝疏

攻勦滇黔各匪大勝疏

撲滅五屯疏

越勦黔匪獲勝疏

攻克正安州城疏

攻復階州生擒首逆疏

保舉周達武片

札令林之印辦理甘肅善後片

卷九

覆奏貴州學政黎培敬疏

遣撤湘果右軍疏

四川米貴已平疏

駁奏秦奏稿總督

偽啟王供詞

攻勦黔匪獲勝疏

塞間奪情片

籌撥滇餉片

裏塘辦理完竣台站安設疏

解濟雲南片

越勦滇黔獲勝片

攻勦越峩冕甯夷匪獲勝疏

覆奏甘省糧台新疆餉項疏

攻克瞻對片

覆奏甘肅兵變疏

川兵難撥疏

攻克天台山疏

松潘肅清疏

攻勦滇黔分兵

瞻對事平官軍

卷十

截勦滇匪獲勝疏

攻拔黔匪老巢斬擒首逆疏

請留雲南撫臣暫札遵義疏

駁文忠公奏稿總旨

攻克綏陽縣城疏

攻勦越嶲夷匪獲勝疏

請仍留周達武疏

叅遵義縣馮澍片

殲滅滇匪全股疏

越勦黔匪擒斬首逆疏

攻勦馬邊廳生擒首逆疏

覆奏劉嶽昭一軍由黔入滇疏

暫留周達武疏

卷十一

消假日期疏

協辦大學士謝恩疏

勦辦越嶠夷匪疏

防勦擒匪疏

奏留周達武疏 以上五年

援黔宜擇將師疏

請京師販買洋米疏

滇匪闖入邊境疏

派唐炯越勦疏

奏川鹽不能撥滇疏

駱文忠公奏稿總目

川督出缺疏 崇將軍奏

以上六年

附錄

行狀

神道碑銘

輓言錄

駱文忠公奏議卷之一目錄 湘中稿

甲寅上

賊勢全注湖南請調粵黔兵勇協勦摺 會侍郎 會雙銜

靖港擊賊互有勝負湘潭大捷克復縣城摺 侍會

郎曾雙銜

靖港敗賊下竄崇通賊匪南犯官軍三捷摺

南北兩省道路梗塞片

陳鎮由粵領解洋礮到省片

華容龍陽失守常澧喫緊派兵援剿摺

常德府城失守現籌進剿情形摺

駱文忠公奏議卷之一目錄

中東兩路官軍勦賊獲勝片

鄂城失守撫 臣 帶兵勇難民來南資送赴荆摺

籌議進剿岳州情形請

旨勅催江西餉銀片

核保湘潭出力員弁堵勦不力摺

特參文武員弁堵勦不力摺

特參江華文武稟報勦賊不實摺

請留廢員差委摺

通籌防勦大局謹擬製辦船礮摺

請留胡臬司駐守岳州片

參劾文武各員摺

駱文忠公奏議卷之一目錄

二



賊勢全注湖南請調粵黔兵勇協剿摺

奏爲賊勢全注湖南大局堪虞請

旨速敕廣東貴州巡調兵勇來楚協剿仰祈

聖鑒事竊賊自二月由水路上竄湖南被兵勇擊退

茲復糾聚醜類水陸並進大舉南犯賊船數千

號分泊長沙之靖港銅官渚湘陰之漳樹港青

泥港等處距省城僅數十里陸路之賊由靖港

登陸取道甯鄉直趨湘潭臣等現選派陸路兵

勇三千餘名及水師六營星夜馳赴湘潭相機

攻剿仍留水師四營扼要駐紮下游且堵且剿

暨文忠公奏議

湘中稿

一

力遏其上竄之路此次南犯匪黨探聞兩廣湖

南老賊居多水陸兩路約有數萬餘眾臣曾國

藩上年所遣偵探新自賊中脫歸略悉賊黨情

形據云賊自黃州漢陽溯江而上湖北潁江各

州縣皆已殘破到處裹脅丁壯擄掠船隻沿江

築堡蜂屯蟻聚勒令被陷各府縣民人開送戶

口名冊禁止薙髮奸民乘機倡亂所在蠶起環

鄂地方皆被賊踞賊黨奸謀欲舍鄂省不攻待

其自困知湖南衡永郴桂寶慶一帶民風尚強

其地界連兩粵向爲會匪盜賊卵育之所易於

煽聚希圖略取各郡縣剪其枝葉以潰腹心一  
如困鄂之策屢獲賊中奸細所供大略相同現  
在賊由甯鄉陸路直指湘潭其奸謀益可想見  
臣等雖經選派兵勇相機痛剿不敢爲株守省  
城之計但恐省城北路與北省交界之處既已  
道途梗塞千里蕭條若南省不及早肅清各郡  
縣奸民從而響應不獨省城勢成孤注難以久  
存卽界連湖南之兩粵江西貴州各省亦必以  
次浸受其害且賊踞江湖上游與江南三城之  
賊聲息相通皖鄂之淪胥可慮三城之克復難

駁文忠公奏議

湘中稿  
甲寅上

二

期兇餓益熾蔓延益廣所憂不僅東南數省已  
也湖南西接巫黔東連豫章南跨嶺嶠北控江  
湖其形勢原有可爲自古東南有事必資上游  
兵力圖史所載可考而知當茲兵燹之餘兵餉  
兩空蝨賊四起茲復值巨匪大舉南犯臣等受

恩深重忝膺重寄敢不竭力支持但調兵則無兵可  
調募勇則無資可募軍威屢挫逆餒愈張若不  
及早綢繆悔將無及竊惟鄰省如江西廣西警  
報時聞自顧不暇勢難紛紛征調惟廣東貴州  
兩省現均安謐如常應請

敕下兩廣督臣廣東撫臣貴州撫臣迅速派撥兵勇

各二三千名馳赴湖南以資援剿之用救援鄰省亦卽自固藩籬廣東兵勇由郴州而至衡州貴州兵勇由鎮遠而至常德相機協剿湖南之賊平而三省邊圉亦固其於大計不無小補但千軍易得一將難求統馭苟非其人精卒亦歸無用廣東將弁臣等不能週知請

敕廣東督撫臣遴選屢經戰陣膽識最優之員飭其自選營兵管帶現任廣東潮州府知府吳均恩威素著士民愛戴以之帶勇可期得力並請

暨文忠公奏議

湘中稿  
甲寅上

三

敕廣東督臣撫臣委其迅速帶勇來楚貴州遊擊圖

塔納參將閃雲遊擊馬清傑古州營千總黃掄元膽技素優亦應飭其自選營兵管帶貴州現署清江廳同知韓超知兵善戰署襄安縣知縣徐河清膽略過人堪膺帶勇之選所屬部民又皆樸勇可靠並請

敕貴州撫臣迅卽札委該文武等迅速挑兵募勇配

齊軍械鍋帳馳赴湖南預備沿途征剿如仰仗天威湖南之賊得及早殲除此項兵勇卽可長驅東下併力攻剿蓋以逆賊旣瀕江築壘聯踪結寨

水師雖制之水中夾攻仍須陸路不可不厚集  
兵力以收肅清江面之實效也臣等因時局關  
係甚大彼此悉心商議意見相同除一面飛咨  
廣東貴州督撫臣外謹會同提臣鮑起豹合詞  
由驛具

奏伏乞

皇上聖鑒訓示謹

奏

咸豐四年四月初一日拜發奉

硃批另有旨欽此

駱文忠公奏議

甲申稿  
上

四

靖港擊賊互有勝負湘潭大捷克復縣城摺  
奏爲官軍擊賊靖港互有勝負賊由陸路攻陷湘  
潭官軍水陸夾擊大獲勝仗巨股剿滅克復縣  
城恭摺由驛馳

奏仰祈

聖鑒事竊逆賊大股水陸並進逼近省垣陸路之賊  
先散踞岳州湘陰各境賊船分布臨資口樟樹  
港喬口靖港等處連日北風甚勁大雨經旬水  
軍不能進剿北路水陸各賊併聚泊靖港港外  
環泊戰船堅築礮臺爲負隅觀釁之計三月二

暨文忠公奏議

甲寅上

五

十四五等日狂飈稍息

臣

曾國藩飭水師各營

駛赴靖港更番迭擊上下往復周而復始共斃

船中岸上之賊約二百餘名擊沉賊船三隻燒

賊火藥船一隻賊訪知省城水陸防剿綦嚴不

敢闖入思由陸路繞越甯鄉徑撲湘潭

臣

曾國

藩先遣湘勇營官伍宏鑑魏崇德郭鴻翥率湘

勇千八百人扼要立營防賊侵軼並飭該營官

以賊勢方盛宜謹守營壘固無與戰俟副將塔

齊布兵到再籌進剿二十五日賊分三股齊撲

魏崇德等營盤湘勇在營內施放鎗礮斃賊數

十旣而大股賊匪驟分十餘路四面圍逼該勇等奮力衝突殺賊百餘賊來益眾勢不可支湘勇陣亡數百遂紛紛潰散二十六日塔齊布帶兵勇一千三百餘名馳往援剿賊已於是日卯刻掩甲疾趨由閒道直赴湘潭塔齊布周鳳山等探知亦卽繞道前進二十八日馳抵湘潭縣城外四五里高嶺地方賊前隊於二十七日已到署湘潭縣知縣劉建德督帶團勇於城外響水瀟沙市嶺一帶地方堵禦賊已由西路暗襲縣城分遣死黨四出擄掠民船一面在城北豎

駱文忠公奏議

相中稿  
甲寅上

六

立木城意圖阻遏援師爲久踞計塔齊布以該逆頻年猖獗每用以守爲戰反客爲主之法若不及時速剿俟賊營壘既定攻克爲難卽於二十八日未刻同周鳳山督帶弁兵壯勇分路進攻賊營鎗礮如雨塔齊布令兵勇聞礮卽伏礮止卽進數伏數起直逼賊營各兵勇奮不顧身闖入賊營施放火箭火彈殺賊五百餘名燒斃無算生擒三十餘名奪獲賊馬六匹抬鎗鳥鎗二十餘桿火藥五桶鉛彈三百筋旂幟刀子矛無數木城全燬臣等卽飭國子監學正銜候選訓

導江忠淑帶楚勇一千三百名都司李輔朝帶  
楚勇八百名守備張正揚帶鎮筵綏靖兵丁五  
百名先後繼進復挑選得力水師五營交委員  
候選知府褚汝航等管帶駛往湘潭乘逆賊甫  
擄民船尚未成列迅速追剿二十八夜賊匪仍  
於原處豎立木城二十九日卯刻塔齊布周鳳  
山李輔朝等督飭兵勇分兩路進剿賊分五路  
蜂擁而來塔齊布等亦分五路迎敵賊匪亡命  
猛撲塔齊布手執大旗麾各路兵勇奮勇向前  
周鳳山嚴督後隊繼進手刃臨陣退縮之勇七

駱文忠公奏議

湘中稿  
甲寅上

七

人塔齊布與周鳳山縱橫血戰立斬該逆僞統  
領先鋒六名僞都督元帥三名斃賊五百餘名  
賊匪紛紛潰散各路兵勇躡蹤緊追斃賊無數  
仍將木城燒燬奪獲紫金冠一頂紅巾黃巾無  
數賊馬數十匹僞印一顆抬礮四十八桿旂幟  
刀矛無數已刻始行收隊兵勇甫回營造飯賊  
忽分兩路前來撲營塔齊布令兵勇假退誘賊  
偪近從營後繞出鎗礮齊施轟斃賊匪五百餘  
名且追且殺至嶺下塘邊四面圍偪賊匪無路  
逃竄淹死不計其數此三月二十八九兩日塔

齊布周鳳山督率陸路兵勇三獲大勝之實在情形也委員褚汝航候選知縣夏鑾千總楊載福附生彭玉麟鄒世琦等於二十九日管帶水勇戰船甫抵湘潭賊匪已擄上游民船數百號順流而下四月初一日辰刻褚汝航等督率各營水師分隊進剿長龍在前三板左右斜出載礮轟擊夏鑾彭玉麟楊載福各選派勁勇飛駕快蟹直撲賊船賊匪開礮還擊火箭火齊發煙燄迷漫兵賊莫辨該營官等飭令各勇挽棹速據上風施放火具各隊分左右翼飛駛繼進

礮斃紅衣賊目十數名火器飛入賊船遇船卽著頃刻延燒逆賊情急跳上小船輒被兵勇擒斬生擒長髮賊共一百二十餘名奪獲大小船六十餘號旂幟號衣黃巾黃馬褂鎗礮刀矛火藥鉛子僞書名冊等件無算戍刻始行收隊是日陸路之賊仍在北城外高壘木城四座塔齊布周鳳山督帶兵勇三路進剿李輔朝帶楚勇在後接應逆渠因連次敗北盡選長髮老賊居先分三路迎敵塔齊布督率兵勇奮迅向前身先士卒誓不與賊俱生兵勇感激思奮併力鏖



戰往來衝突殺斃長髮老賊約數百人黃巾紅衣狼籍道路被逼溺斃者無算後隊兵勇乘機拋擲火器燒燬賊踞房屋斃賊亦無算生擒長髮老賊六十餘人賊遂退至城根兵勇三路合隊盡銳衝殺斃賊數百焚燒木城四座望樓一座奪獲二百斤大礮三尊抬礮拍鎗旂幟刀矛數百餘件此又初一日水陸大獲勝仗之實在情形也塔齊布以連日血戰士卒頗勞傳令暫歇一日是夜四更水路賊匪從上游燒放火船數隻順流而下小船載油燈無數隨之意欲驚

駱文忠公奏議

湘中稿  
田黃上

九

擾我軍兵勇乘坐三板將賊所放火船撐開洞聚一處任其自燒各船無恙初二日辰刻褚汝航等督率快蟹擂鼓督戰廣東外委羅管全哨官張宏邦區聯彪呂勝等施放鎗礮繼以火箭火礮焚燒賊船羅管全生擒紅衣長髮賊目一名哨官薛飛雄外委施成任把總陳武龍何卓然等連環攻擊自辰至午擊沉賊船八十餘隻斃賊二百餘名從九品區本昌候補千總戴兆熊分途燒斃紅衣賊目一名登岸追獲賊馬一

匹復搶上賊船奪獲僞前十一營師帥黃大旂

一桿紅緞風帽黃綾帽及逆匪名冊令旂等件  
褚汝航親開大礮轟斃紅巾賊匪十數名長龍  
三板等船鼓舞爭先自午至申又燒燬賊船二  
百餘隻轟斃水陸逆賊三百餘名奪獲大小旂  
幟十五桿生擒長髮老賊二名逆船三十隻米  
三百石火藥四百斤大小鉛子九桶衣帽器械  
無算營官彭玉麟楊載福親坐三板小艇往來  
督戰礮聲如雷湘波鼎沸楊載福身受鎗傷尚  
復指揮鏖戰自辰至酉燒燬賊船三百餘號燒  
斃紅衣長髮逆賊三百餘名生擒長髮賊匪十

駱文忠公奏議

湘中稿  
甲寅上

十

三名短髮賊匪四十餘名著船之火延燒岸上  
街市房屋百里外遙見火光燭天岸上之賊燒  
斃者實亦無數可紀奪獲旂幟器械無算潭城  
賊船僅剩文昌閣上三十餘隻餘悉燒燬淨盡  
此初二日水師大獲勝仗之實在情形也

臣曾

國藩以潭城逆賊屢被官軍水陸痛剿專盼靖  
港之賊救援急應乘機攻剿俾逆賊首尾不能  
相顧明知水師可恃者均已調赴湘潭陸路各  
營除塔齊布周鳳山兩營正在潭城剿賊升用  
同知林源恩一營駐防平江此外岳州甯鄉兩

次失利陣亡湘勇約七八百名又淘汰遣散湘勇已千餘名現存營者僅及千名難期得力而事機所在又不敢不急切圖之是日卯刻親率大小戰船四十隻陸勇八百馳赴靖港上二十里之白沙洲相機進剿午刻西南風陡發水流迅急戰船順風駛至靖港不能停留更番迭擊逆賊在礮臺開礮適中哨船頭桅各水勇急落帆收泊靖港對岸之銅官渚賊眾用小划船二百餘隻順西風駛偏水營水勇開礮轟擊礮高船低不能命中戰船被焚十餘隻隨風漂散數

聖文思公奏議

湘帥瑞

十一

隻水勇見勢不支紛紛棄船上岸或自將戰船焚燬恐以資賊或竟被逆賊掠取臣曾國藩在

白沙洲聞信急飭陸勇分三路速撲靖港賊營冀分賊勢陸勇見水勇失利心懷疑怯雖小有斬獲旋即卻退臣曾國藩見水陸氣餒萬難得

手傳令撤隊回營此又初二日靖港剿賊失利之實在情形也初三日塔齊布在潭城窰灣地方高監望樓知道賊散處潭城總市將由水路逃竄知會水師迅速兜剿一面於辰刻分派兵勇四路進撲城市生擒賊匪十餘殺斃四十餘

名賊已敗退忽已刻大雨如注官軍繩藥均濕  
遂撤隊回營該逆復蜂擁追來兵勇折回截殺  
署綏靖營守備張萬邦單騎衝入賊陣手刃數  
賊登時陣亡額外童添雲四川咨記把總岳炳  
榮向前搶護各受重傷塔齊布指揮兵勇分投  
痛剿賊仍敗退回巢是夜四鼓逆賊所擄上游  
大船數百隻駛至審濟城市各賊紛紛上船希  
圖乘風上竄彭玉麟商同楊載福卽於初四日  
卯刻督率兩營戰船跟幫緊追午刻行抵下攝  
司賊船檣帆林立彭玉麟楊載福分坐快蟹一

駁文忠公奏議

湘中瑞  
甲寅上

三

隻三板一隻先進賊開鎗礮抗拒水勇開放大  
礮轟斃賊匪百數十人賊船四處散駛彭玉麟  
楊載福乘勢急進遇船卽燒船上馬匹及所擄  
財物極多彭玉麟楊載福令眾勇毋許上船擄  
取專意射火焚船是時北風甚勁順風縱火遇  
船卽著自卯至未燒賊船大小七百隻長髮短  
髮逐浪漂流紅衣黃巾隨波上下其中船戶水  
手難以分別搭救岸赭水溫同歸浩劫事雖慘  
而功則奇水戰火攻未有痛快如此者當燒船  
緊急時逆匪棄甲拋衣登岸折回潭城管帶楚

勇委員江忠淑偵知商同署湘潭縣劉建德覓  
熟識本處路徑已遷安徽從九王炳元六品軍  
功武生黃德均帶楚勇數十悄伏潭城西北角  
俟賊駕梯出入時卽奪梯直上楚勇嚴陣以待  
寅刻果見逆賊由西北緣梯而下伏勇將賊衆  
砍斃奪梯而上登城大呼官兵上城逆賊不辨  
我兵多少倉卒緣城竄逸該勇卽將城門洞開  
江忠淑帶勇直入縣城塔齊布督帶兵勇繼至  
分門搜剿當斃長髮短髮二百餘名生擒長髮  
六十餘名內一賊腰牌上寫春分副侍衛書士

駱文忠公奏議

湘中稿  
甲寅上

三

汪秉義安徽人一僞司馬王玉春一僞司馬洪  
大貴皆廣西人一頭戴貼金雙龍大紗帽身穿  
黃緞馬褂下穿紅緞繡龍腿褲背負令旂自稱  
五軍統領大元帥羅口音似廣東人問其名堅  
不吐實桀驁萬狀當卽斬決其日又搜獲身穿  
黃馬褂長髮老賊十三人以追賊在卽未及起  
解槩予駢誅將該逆衣服剝下呈驗奪獲大小  
黃旗一百零一面大礮三尊戰鼓三面抬鎗五  
十四桿鳥鎗六十九桿馬騾三十五匹黃龍金  
帽二頂火藥六桶鉛子四桶紅衣黃巾刀矛器

械無數此初四日水師追剿大獲勝仗及初五日卯刻克復城池之實在情形也現在賊匪紛紛竄逸有上竄者有下竄者有遁回靖港者皆零星逃竄不復成軍已飭塔齊布等分投追剿並札飭各道府州縣四處搜拏管帶湘勇已革升用同知直隸州知州王鑫追賊至雲湖橋殺賊四十二名初六日設伏於魯家壩殺賊三百餘名生擒二十餘名又一股由淶口竄至醴陵縣人約數百將竄入江西萍鄉臣等飛咨江西撫臣速飭堵剿此次逆賊大舉南犯多曾經百

聖文忠公奏議

湘中稿  
甲寅上

古

皇上威靈八日之閒水陸十獲大勝全股掃蕩賊膽

已寒訊自賊中逃出者皆云粵楚滿髮老賊及皖鄂新附賊黨經此番屢次痛剿之後相向痛哭羣起怨尤老賊惡新賊之不爲盡力新賊疑老賊之暗洩軍情彼此猜忿初二初三兩日敗回收隊後在潭城分黨圍鬪自相屠戮者約數

百之多皆<sub>臣</sub>等意想所不到此次水陸痛剿斃賊近萬所獲旂幟器械無算兇渠僞目除陣斬外或斃於水或斃於火爲數極多被擄解散之人約以萬計逆賊實已聞風喪膽現在靖港一股亟應回軍剿辦俟水陸兵勇調回卽行相機攻剿補用副將塔齊布忠義奮發勇敢當先士卒樂爲之用通城剿賊已獲大勝此次復著奇功實屬武員中傑出之才前剿辦江西土匪竄至茶陵案內請

旨賞換花翎以副將補用尚未接准部覆應仍請

聖文忠公奏議

湘中稿  
甲寅上

十五

賞換花翎加總兵銜並

賞給勇號藍翎守備周鳳山饒有膽略深得士心上年冬間在常甯縣洋泉道州四慶橋本年正月在道州巖頭村屢次帶勇剿匪迭著戰功擬以都司保奏三月十四日隨同塔齊布進剿崇通賊匪大獲勝仗此次奮勇當先克獲全勝應請旨以遊擊升用先換頂戴並

賞換花翎委員山西升用知府卽補同知褚汝航熟悉水戰情形才優膽壯調度有方應請

旨免補同知以知府歸原省儘先補用並

賞加道銜委員卽選知縣夏鑾督勇力戰膽識俱壯  
應請

旨以同知升用先換頂戴藍翎千總楊載福以陸路  
武弁管帶水師被賊鎗傷左肋右腿數處裹創  
血戰奮不顧身陸續燒燬賊船四百餘隻請以  
守備留於本省補用並請

賞換花翎六品軍功附生彭玉麟書生從戎膽氣過

於宿將激昂慷慨有烈士風

臣

曾國藩前在岳

州派往西湖搜查賊船該生帶水勇三十餘名  
分坐兩小舟周歷重湖沿途搜剿殺斃長髮賊

駁文忠公奏議

湘中稿  
甲寅上

六

匪三十餘名奪獲賊船數隻擬以縣丞府經保  
奏此次力疾帶勇猶會同楊載福親坐小船焚  
剿賊船六七百隻免致他竄厥功甚偉應請

旨以知縣歸部遇缺卽選分帶水勇哨官張宏邦奮  
勇當先搶上賊船生擒黃巾賊目並焚燒賊船  
數十隻身受重傷應請

旨以于總歸於廣東拔補國子監學正銜候選訓導

江忠淑係前安徽撫

臣

江忠源胞弟督帶楚勇

首先登城立將城池克復甚合機宜應請

賞加五品銜此外各文武員弁兵勇奮勇出力者尚



多俟卽核明勞績最著者開列名單顛懇

皇上恩施加以鼓勵陣亡員弁兵勇俟該將弁等查  
明分別

奏請

賞卹庶才傑進用而廓清可期拔擢有真而羣才競  
奮所有水陸勝負實在情形謹據實由驛馳

奏伏乞

皇上聖鑒訓示施行謹

奏

咸豐四年四月十二日拜發奉

駱文忠公奏議

甲寅稿

七

硃批另有旨欽此

靖港敗賊下竄崇通賊匪南犯官軍三捷摺

奏爲靖港賊船喪膽下竄敗殘餘匪迭經各州縣  
兵勇團衆協力截剿近省地方一律肅清崇通  
賊匪乘間南犯兵勇迎剿三獲勝仗恭摺由驛

馳

奏仰祈

聖鑒事竊逆賊大股自竄踞湘潭經水陸兵勇痛加

剿洗零匪膽寒四竄<sub>臣</sub>等預飭各州縣會督汛

弁團紳各於所屬要隘嚴密兜截一面飛調水

陸兵勇回軍合剿靖港賊巢旋據衡州府及衡

駁文忠公奏議

湘中稿  
甲寅上

六

山醴陵瀏陽平江安仁常甯道州攸縣湘陰長

沙各州縣先後稟報截擒潰敗餘匪各百餘名

數十名十數名數名不等訊係廣西湖南滿髮

老賊居多希圖薙髮潛歸復行勾結滋事內有

唐清成許高發等皆係廣西賊目唐容光一犯

賊中僞稱軍師當卽就地正法梟示以昭炯戒

維時靖港賊船聞逆賊連日大敗兇渠僞目多

已授首僅逆目林紹璋一犯以四騎賁夜奔回

靖港賊黨聞風膽喪卽夜將輜重船隻乘風下

駛比塔齊布等水陸兵勇回軍長沙該逆已由

灣河蘆林潭一帶揚帆下竄經過湘陰岳州等處均不敢停泊中途因舵工水手逃散遺棄船隻頗多其由醴陵小路逸出餘匪探由江西萍鄉萬載新昌等縣轉至湖北邊界會同通城賊匪意圖乘間南犯臣隨調守備徐統緒知縣陳鑑源帶綏靖兵三百名候選訓導江忠淑帶楚勇一千三百餘名馳赴平江會同升用同知直隸州知州林源恩相機進剿旋據林源恩署平江縣知縣汪敦灝稟稱湖北崇通賊匪於四月初七八等日竄入江西義甯州界之桃樹港江

聖文忠公奏議

湘中稿  
甲寅上

九

西官兵迎剿失利賊勢披猖十六日僞旅帥夏姓金姓胡姓竟敢率賊南犯前隊已至上塔市林源恩分派隨營紳士管帶壯勇團丁暗抄上塔市之後自率中隊迎剿該逆倉卒整隊抗拒各勇直前衝殺壯勇團丁左右抄出斃賊九十餘名生擒賊匪沈連升王敦才方榮本陳賓海黃沅清等五名奪回江西官營被擄抬鎗十八桿烏鎗十二桿火藥六桶鉛子四桶賊匪旂幟號衣多件知縣陳鑑源守備徐統緒候選訓導江忠淑管帶兵勇繼至二十七日移營進紮通

城九嶺地方五月初一日正擬出隊攻剿是日  
辰刻該逆忽分三路蜂擁而來各路約于餘人  
官軍亦分三路拒敵林源恩徐統緒分帶兵勇  
當賊左右兩路江忠淑督楚勇當賊中路俟賊  
撲近營盤卽令藍翎于總徐志近軍功六品百  
長劉長珀江鑑堂徐成旃等協同八品軍功陳  
鳳舞向前衝殺轟斃紅巾賊匪數十名賊匪紛  
紛敗潰楚勇乘勝掩殺斃賊多名過河淹斃者  
無數賊復分踞山頂楚勇亦分路搶上山梁兩  
路各斃賊數十名生擒六名奪獲大中黃旂十

二面小黃令旂十餘面抬鎗八桿大礮一尊烏  
鎗九桿長矛二十三枝火藥火彈兩石鉛子一  
石腰刀十八把黃紅號衣包巾各數十件林源  
恩徐統緒兩路兵勇踵至合力猛追賊匪亡命  
奔潰墜巖跌死者無數可紀此五月初一日官  
兵進剿崇通賊匪獲勝之實在情形也昨據署  
平江縣知縣汪灝稟稱初四日賊匪復分三  
股由閒道抄襲官軍後路經江忠淑林源恩陳  
鑑源徐統緒及平江團紳黃錫予凌煌壽等分  
投迎擊大獲勝仗斃賊數百生擒數十名賊匪

仍紛紛敗退後路揚雀坳餉報已通其殺斃賊  
匪實數及奪獲器械實數尚未接據該委員稟  
報臣以崇通賊匪愈聚愈多並據探報有邀約  
蒲圻長髮老賊助逆情事當復添調藍翎守備  
蔣大勝管帶楚勇六百四十名馳赴平江北界  
協剿以資後勁復面商署提臣塔齊布督領兵  
勇卽日馳赴岳州相機防剿所有截拿潰匪各  
州縣員弁團叟及平江剿賊疊獲勝仗員弁兵  
勇可否擇其尤爲出力者彙入湘潭剿賊保舉  
案內核實開單保

賢文忠公奏議

甲寅上

三

奏以昭激勸之處出自

天恩謹將賊船下竄剿賊獲勝各緣由會同署提臣

塔齊布革職前禮部右侍郎臣曾國藩據實馳

奏伏乞

皇上聖鑒訓示施行謹

奏

咸豐四年五月初十日拜發奉

硃批另有旨欽此

南北兩省道路梗塞片

再湖北一省被逆賊勾結土匪四處充斥水陸道梗鄂城以外四面皆賊迭奉

諭旨運解銀米以資接濟

臣

前後屢飭偵探路徑果

能設法繞解卽迂阻勞費亦何敢辭乃該省南路之嘉魚蒲圻西路之通山通城崇陽北路之漢陽黃州東路之興國大冶武昌各處地方皆被賊匪佔踞不獨餉需銀米重累之物運解萬難卽公牘私函亦且無從徑達江西運解湖北餉項四萬二千兩正月自南昌委解起程繞道

駁忠公奏議

湘中稿  
甲寅上

三

義甯州淹留許久不能前進仍改由山路折回萍鄉於四月底始運至湖南省城擬由湖南解鄂現因道梗寄存司庫

臣

與曾國藩前擬將道

員蔣徵蒲捐項錢文就近分撥荊州由荊州伺便解鄂昨接荊州府江陵縣稟據云荊州曾預備米數千石並鹽局存錢一萬餘串急欲解赴鄂城正苦無路得達頃初九日接湖北撫

臣

青

磨四月十四日自鄂城發來細字密函具言城

中困乏之狀尤爲悽絕查此械發後復從咸甯折回覓人扮作挑鹽販賣之徒展轉遞至江西

義甯州由義甯州轉遞平江然後得達寸函往返尚復艱辛至此道路梗塞情形已可想見湖南湖北兩省勢重輔車誼均休戚非奉

諭旨嚴催亦斷無膜視之理一俟水陸兩路有隙可乘卽當設法接濟謹將現在水陸運解艱阻實情會同革職前禮部侍郎

臣

曾國藩附片陳

奏伏乞

皇上聖鑒謹

奏

咸豐四年五月初十日拜發奉

昭文忠公奏議

湘中稿  
甲寅上

三

硃批知道了欽此

陳鎮由粵領解洋礮到省片

再兩廣督臣葉名琛奏委新授山東登州鎮總

兵陳輝龍督同遊擊沙鎮邦管帶提標各營及

大鵬協弁兵何岳澧等九十六員名順解大小

洋礮一百尊來楚會商督帶礮船赴湖北江西

堵剿賊匪業於四月二十一日行抵長沙臣接

晤之餘詢及水師情形甚爲諳練惟據稱現有

戰船亟宜修整而江湖與海洋形勢互異須再

添造淺水拖罟船數隻方利攻剿之用與曾國

藩彼此熟商意見亦同現正趕緊購料監造俟

賢文忠公奏議

湘紳編

三言

船成演試即可開行廣西委員李孟羣所募水

勇亦約於旬日外方可趕到所有鎮臣陳輝龍

順解洋礮到省及籌辦情形謹附片具

奏伏乞

聖鑒謹

奏

咸豐四年五月初十日拜發奉

硃批知道了欽此



華容龍陽失守常澧喫緊派兵援剿摺

奏爲逆賊自湖北竄陷華容縣城復勾結賊船竄踞岳州分陷龍陽現在常德澧州情形喫緊已調撥兵勇馳往援剿恭摺由驛馳

奏仰祈

聖鑒事竊前據署岳州府華容縣知縣宋昌期稟報該縣界連湖北荊州各屬時有土匪勾結長髮賊匪闖入邊境當經降調岳常澧道張琴挑派兵勇委因公在澧之衡州通判福增管帶馳往援剿斃賊百數十名生擒賊目尹其正萬四文

駁文忠公奏議

湘中稿  
甲寅上

三五

福元等犯華容紳士嚴致崇童生白入虎等亦斃賊多名賊匪潰逸福增旋即回澧旋據澧州知州胡鏞稟報據署華容縣知縣宋昌期家丁方貴稟稱賊匪大股於四月二十八日復分四路蜂擁而至該令宋昌期督同弁兵紳勇嬰城固守至五月初二日城破殉難核與探報無殊臣當飛飭前調之都司烏什哈等帶辰州九谿

等處官兵五百名武舉李克生帶辰勇二百名就近改道馳赴澧州一帶進剿該都司等尚未接札已於五月十二日行抵常德府屬之龍陽

縣卽據該縣稟稱初十日探有賊船百數十隻  
在華容縣傅家磯一帶揚帆直抵西港勢將竄  
越該縣請截留烏什哈等兵勇在縣防剿又據  
湘陰縣稟報連日北風大作賊船紛紛上駛陸  
路賊匪陸續回竄岳州賊船泊南津港現又分  
船竄往西湖龍陽一帶與華容竄出賊船會合  
臣以賊竄龍陽則常德澧州一水可通並形喫  
緊非調撥重兵援剿恐難得力當卽札調卽補  
都司李輔朝管帶楚勇一千名署新甯知縣趙

啓玉募楚勇一千名統歸貴東道胡林翼節制

駁文忠公奏議

胡林翼

奏

胡林翼帶自募黔勇六百名前已委赴安化縣  
搜拏會匪卽飭其取道益陽馳赴龍陽常德一  
帶相機援剿正調撥聞忽接益陽縣稟報十二  
日賊匪攻撲龍陽縣城經該署縣文耀會同烏  
什哈洞庭營遊擊王政先等登陴守禦開放鎗  
礮將賊擊退因城垣坍塌甚多賊匪於十三日  
卯刻由缺口蜂擁而入兵勇潰散縣城遂致失  
守文武各員不知下落旋據烏什哈稟報相符  
臣以賊匪既已攻陷龍陽該處去常德水程僅

止一日常德雖有兵勇二千未免尚形單薄據

常德府知府景星常德協副將富勒東十四日發來稟報距城六十里滄港地方有賊船數十號在彼焚掠署提臣塔齊布亦派委准升遊擊周鳳山帶勇一千一百名由益陽前進但賊船乘風飛駛程途迅速官軍從湖壩取道時當夏令野潦縱橫澤行途行難期直捷而曾國藩所有師船正在趕緊修脩幫帶礮船登州鎮臣陳輝龍所造淺水拖罟尚難尅期蒞事廣西委員李孟羣所募水勇千名雖經札催亦尚無抵省確耗焦急不可名言查常德與岳州對峙重湖

聖文忠公奏議

湘中稿  
甲寅上

七

均爲湖南門戶澧州南連常德北接荊州亦爲要地現在湖北與湖南接壤各地方多被賊踞文報不通統計湖南防剿兵勇東則由平江進剿崇通爲一路五品銜候選訓導江忠淑補用知縣陳鑑源守備徐統緒統之已轉戰而前直抵湖北通城中則由湘陰直趨岳州爲一路署提臣塔齊布統之現駐長樂街相機進剿西則

由龍陽援剿常澧爲一路已札貴東道胡林翼統之俟各路勇齊迅速援剿統計三路兵勇長天已一萬數千人而省城之防兵曾國藩之水

陸兵勇又將盈萬頃接桂陽州衡州府稟報嘉禾常甯兩縣又有鄰匪攻撲城垣之警南路兵勇復難裁撤當此三空四盡之時庫項無存兵端未艾此臣所爲拮据不遑莫名焦灼者也惟  
有催飭各路將領遣督兵勇迅速殲除冀稍慰  
皇上殄寇安民之至意所有華容龍陽失守現籌援  
剿情形謹會同署提臣塔齊布革職前禮部侍郎臣曾國藩由驛馳

奏伏乞

皇上聖鑒訓示施行謹

駱文忠公奏議

湘中靖

天

奏

咸豐四年五月二十五日拜發奉

硃批另有旨欽此

常德府城失守現籌進剿情形摺

奏爲常德府城失守現籌水陸進剿情形恭摺由

驛馳

奏仰祈

聖鑒事竊逆賊自湖北竄陷華容勾結逆船竄踞岳  
州分陷龍陽縣城常澧一帶情形喫緊臣等派  
撥兵勇馳往援剿業經馳

奏在案旋據探報逆賊自五月十三日竄陷龍陽  
後賊船由滄港白沙市駛進十五日攻撲府城  
十六日午刻城陷知府景星副將富勒敦遇害

駁文忠公奏議

湘中稿  
甲寅上

三

維時附近之桃源縣辰州府稟報常德十五日  
以後情形均不能明確臣等飛催派往援剿之

准升遊擊周鳳山卽補都司李輔朝星速帶勇  
先進二十五二十七等日周鳳山李輔朝等行  
抵龍陽聞龍陽以井現有賊船屯駐該處所有  
船隻被賊擄盡勢難飛渡正計議閒賊船百餘  
隻飛駛前來上下分泊陸路賊匪從後繞撲營  
盤周鳳山李輔朝督勇分路鏖戰轟斃賊匪百  
數十名奪獲賊船二十餘隻旂幟刀矛器械多  
件賊船敗潰駛回周鳳山等擬卽用所奪賊船

渡勇前進忽二十八二十九等日大雨如注湖水驟長丈餘周鳳山等營盤被水淹浸正議移營高阜間六月初一日辰刻賊船二千餘隻乘漲直迫營盤三面開礮轟擊周鳳山等見勢難支持一面分隊拒戰一面覓路退回毓德舖沿途野潦縱橫各勇鳧水經過間有溺斃軍裝頗有損失是日貴東道胡林翼帶黔勇由益陽馳抵毓德舖詢知前途無船勢難飛渡新漲之後積水未退遇水結筏更未免濡滯愆期兼之龍陽甫經殘破商民被擄逃匿一空無從買食遂

暨文忠公奏議

韓中德  
甲寅上

三

決計從益陽馬家塘取道黃土店可由桃源武陵邊境直抵常德雖程途迂折山徑崎嶇師行未免勞頓然較之阻水不前遲速迥異飭周鳳山等帶勇徑回益陽縣整理軍裝自帶黔勇斷後以防賊匪追襲初四日胡林翼拔營自益陽帶勇先發周鳳山李輔朝亦先後隨同前進據辰州府劉位坦稟稱貴州參將閃雲統帶黔兵六百行抵辰州已飛札會同胡林翼進剿此西路援剿官軍勝後小挫現在改道速進會剿之實在情形也臣伏思逆賊攻陷常德分踞岳州

是全湖之險已爲該逆所據雖中路進剿岳州之賊有署提臣塔齊布一軍西路進剿常德之賊有貴東道胡林翼一軍然祇能於陸路相機痛剿若賊匪洗足上船官軍卽未免望洋興歎是蕩平克復固重在陸路而斷其勾結制其死命終非水軍莫濟現在革職前禮部侍郎臣曾國藩戰船修造甫畢廣西委員李孟羣所募水勇千名甫於昨初六日到省鎮臣陳輝龍所造淺水拖罟尚須旬日後始可完工臣與曾國藩

悉心商議以目今賊勢而論常德賊船多於岳

聖文忠公奏議

明諭稿

三

州情形較岳州更爲吃緊然湖南寬廣數百里賊船乘風泛駛颺忽靡常若舟師全注西湖該逆或分股轉舵東窺岳州或南犯長沙舟師爲其牽制恐難迅速殲除曾國藩現擬將水師分爲兩起一起由益陽龍陽直指常德遇賊卽剿一起稍後察看賊勢或合或分相機繼發務期與陸路合力夾剿迅將兩城克復乘勢出江東下以求稍紓

皇上殄寇綏疆之至意至澧州一路又在常德之北與湖北荊州連界兼旬以來文報不通實在情

形尚未探確應俟陸續馳

奏湖南迤北一帶驛路梗塞所有摺件暫改由江西繞道馳遞合併陳明所有常德失守水陸援剿情形謹會同署提臣塔齊布革職前禮部侍郎臣曾國藩由驛馳

奏伏乞

皇上聖鑒訓示施行謹

奏

咸豐四年六月初十日拜發奉

硃批另有旨欽此

駱文忠公奏議

甲申上

三



中東兩路官軍剿賊獲勝片

再署提臣塔齊布於五月二十日兵進大荆驛

探報賊匪在新牆築土城三座扼要抗拒塔齊

布傳令二十二日分三路進剿都司普承堯由

左守備彭三元由右塔齊布親督兵勇由中路

而進飭中軍都司滕遇春率前隊兵勇奮力攻

撲賊匪負固抵禦官兵鎗斃賊匪數十名鼓勇

而前拋擲火彈火罐連奪賊營三座賊匪紛紛

潰竄適兩路兵勇繼至塔齊布親督諸勇躡蹤

緊追斃賊百餘名生擒長髮賊四十餘名軍前

略文忠公奏議

湘中稿  
甲寅上

三

正法奪獲二百斤礮一尊抬礮烏鎗刀矛旂幟

號衣二百餘件賊船四十七隻官兵受傷僅止

三名此中路獲勝之實在情形也東路兵勇由

平江進剿崇通賊匪三獲勝仗臣於五月初

十日由驛馳

奏其五月初四日一戰實斃賊三百餘名生擒賊

匪三十名陣斬賊目楊檢點毛仕忠自五月初

九至二十九日大小十一戰據管帶楚勇五品

銜候選訓導江忠淑管帶綏靖永順官兵守備

徐統緒等迭次稟報統計實共斃賊九百餘名

生擒百餘名奪獲刀矛四十餘件抬鎗十餘桿  
烏鎗三十餘桿雜項軍械不計件大小黃旗四  
十餘桿紅黃號衣不計件陣斬賊目陳姓金姓  
僞司馬吳姓等此東路迭獲勝仗之實在情形  
也現在兩路相機進剿兵勇尚爲奮勉堪以仰  
慰

宸厯理合附片具

奏伏乞

聖鑒訓示謹

奏

暨文忠公奏議

相中稿  
甲寅上

三

咸豐四年六月初十日拜發奉

硃批知道了欽此

鄂城失守撫臣帶兵勇難民來南資送赴荆摺  
奏爲湖北省城失守撫臣率領兵勇難民來南現  
籌酌給口糧資送赴荆恭摺馳

奏仰祈

聖鑒事竊臣於本月十四日接署提臣塔齊布新牆

來函據云十一日有把總林從根等自湖北來  
營稱鄂城於本月初二日失守兵勇自潰巡撫  
青麀荊州都統魁玉率領兵勇難民南來將次  
行抵新牆臣接閱之餘不勝駭異現在逆賊竄  
踞岳州常德府城之賊聞官軍將至盡由西湖

駱文忠公奏議

甲申稿上

三

乘船赴岳本省北路防剿戒嚴之時鄂城文報  
久梗眞僞難知若奸匪冒稱北省兵勇乘機詭  
混貽誤堪虞當委把總朱廷助馳往偵察旋據  
撫臣青麀來函具言失守緣由並饑疲不堪情  
狀囑臣速撥米二三百石暫資接濟意在取道

速赴荊州臣一面趕緊籌備一面飛函北撫臣

將各營兵勇及同行難民實數查明以便料理

又委補用知府裕麟千總李萼迎往安撫截止

來非來兵勇毋許闖入省城以防奸匪夾雜並裝

米八百石錢三千串運赴涇溪渡交北撫臣暫



籌議進剿岳州情形請

旨勅催江西餉銀片

再逆賊攻陷常德後聞援剿西路官軍將至星夜將所擄錢糧輜重擄取民船裝運出境西湖一帶現無賊蹤昨據署提臣塔齊布函稱賊在岳州城外連營八座深溝高壘爲久踞計常德賊船駛赴岳州收泊南津港一帶地方風檣林立來者尚絡繹不絕署提臣中路一軍兵力稍

單臣與曾國藩札調委員羅澤南管帶湘勇千名岳州府知府魁聯管帶寶勇楚勇千名星夜

駁文忠公奏議

湘中稿  
甲寅上

三

馳赴大營隨同進剿西路情形已輕准升遊擊周鳳山所帶壯勇一千六百名亦卽調往中路以厚其勢曾國藩已派道銜山西知府褚汝航升用同知夏鑾守備楊載福知縣彭玉麟管帶頭起師船爲水陸夾剿之計誓當竭力掃蕩以靖寇氛惟兵勇雲集所需軍餉浩繁南省庫項已空無從設措加以北省潰兵由南省取道赴荆墊發銀米爲數亦鉅拮据之狀不可名言臣

昨晤北撫臣青麀據云江西現有應解湖北餉

銀十萬兩因道梗未及起解若咨催江西將此

項徑解湖南兩省均可稍資接濟仰懇

皇上天恩敕下江西撫臣迅將該省應解湖北之餉

銀十萬兩委員刻日解赴湖南庶兩省軍餉得

以通融濟用其於大局不無小補除一面咨催

江西撫臣外謹附片陳明伏乞

皇上聖鑒施行謹

奏

咸豐四年六月十九日拜發奉

硃批另有旨欽此

駱文忠公奏議

相中稿  
甲寅上

三

核保湘潭出力員弁兵勇摺

奏爲遵

旨核保出力員弁兵勇懇

恩獎敘以昭激勸事竊前因逆匪竄踞靖港攻陷湘

潭冀上下夾攻爲坐困省垣之計經臣會商前

禮部侍郎臣曾國藩星夜調派水陸兵勇迅往

攻剿八日之間十獲大勝巨股剿滅縣城克復

營經由驛馳

奏補用副將塔齊布等仰蒙

天恩優加獎擢並奉

駁文忠公奏議

湘中稿  
甲寅上

三

恩旨出力員弁著該撫查明據實保奏候朕施恩欽

此臣接奉

諭旨卽恭錄行知水陸各將領核實戰績功次開注

擬保清單臣復與曾國藩逐一細核查此次湘

潭大捷屢據生擒各賊及逃出裹脅難民均云

自逆賊由湖南下竄之後除兩次北竄情形伊

等不知其詳就江南安徽江西湖北湖南而論

官軍剿賊雖屢獲勝仗而逆賊受創則以江南

之六合湖南之湘潭兩戰爲最甚固由諸將士

感激

皇恩奮勉圖報亦原

天心默佑事機順利所致除陸路陣亡之署綏靖守備張萬邦衝入賊陣手刃數賊以致殞命情殊可憫請照守備例給卹水師勇目准升于總張宏邦前次打仗身受重傷保奏之後旋即創裂身死應請照升銜給卹外所有尤爲出力之員弁兵勇謹擇其勞績最著者開單伏乞

恩施加以獎勵其出力稍次者卽由臣等咨記拔補庶幾士氣丕振而撻伐益神至崇通剿賊出力及各州縣搜剿餘匪出力各官紳前蒙

聖文忠公奏議

湘中稿  
甲寅上

四

恩准彙入湘潭案內保奏容俟查明另摺籲請恩施謹會同提臣塔齊布革職前禮部右侍郎臣曾國藩恭摺由驛具

奏伏乞

皇上聖鑒訓示施行謹

奏

咸豐四年七月初八日拜發奉

硃批另有旨欽此



特參文武員弁堵剿不力摺

奏爲特參堵剿不力之文武員弁請

旨革審事竊查逆匪大股於本年五月間由湖北上

竄連陷華容龍陽常德等府縣經臣飭委貴東

道胡林翼等統帶兵勇馳往剿辦該逆因聞援

兵將至星夜馳赴岳州竄出常德府境西湖一

帶已無賊蹤業經

奏報在案維時臣因澧州南連常德北接荊州宜

昌等府爲南省之門戶地方亦極緊要誠恐該

逆由宜昌竄入州境當卽飛札前調來省之辰

駁文忠公奏議

湘中稿  
甲寅上

聖

州營都司烏什哈等管帶辰州九溪等營官兵

五百名武舉呂克生帶長勇二百名就近改道

馳赴澧州一帶防剿該都司於未接札之先已

於五月十二日行抵龍陽縣經該署縣文耀留

其在縣防堵未及赴澧旋據文耀暨洞庭水師

營遊擊王政先會稟五月十三日賊船數百號

直逼城下經該縣營等登陴守禦開放鎗礮傷

斃逆匪多人該逆分股繞赴南城舊坳處所施

放火箭燃燒城內民房並開礮轟倒城門垛口

逆賊蜂擁而上經外委丁萬里殺斃長髮賊目

一名該逆冒死繼進又在東城架梯援上賊多  
兵少眾寡不敵烏什哈所帶官兵漸被衝散該  
縣營等督兵巷戰文耀右手左腿該遊擊王政  
先胷膺右手均受刀矛刺傷經團紳兵勇搶救  
出城文耀之妻女媳孫婢僕均已被害守備千  
總眷屬亦有傷亡又據烏什哈稟帶此起兵丁  
三百名於五月十二日行抵龍陽縣城適遇賊  
匪竄近經該縣商會該都司帶兵擊退暫紮西  
門城上十三日該逆分股由東門架梯而入該  
都司分投堵截兵力難支致被衝散現已陸續

駱文忠公奏議

冊中稿  
四

星

招集潰兵又據澧州知州胡鏞署澧州參將張  
昕會稟賊由湖北宜昌下竄逼近該州當於五  
月十五日會稟請兵十六日戌刻賊約三千餘  
人竄至州屬津市河下經署州判姚鈞培會同  
汎弁堵禦十七日賊分三路圍攻州城該州會  
營分門堵禦賊自西北城角低塌處所擁入三  
四百人因該處多係菜園空地當經該州等飭  
令兵勇施放鎗礮並經近城鄉團前來助勢鎗  
斃賊匪十餘人奪獲抬礮刀矛等件賊仍退出  
城外分竄四鄉擄掠復經鄉團先後殺斃二百

餘人該匪於二十二十一等日陸續下竄人民未遭殺戮城池倉庫監獄衙署均各完好又據署常德協中軍都司永州鎮標左營守備程登科提標署右營遊擊恩泰前營都司宋廣東稟報均因殺賊受傷未能抵禦以致郡城失陷等情臣查署龍陽縣補用知縣文耀洞庭營水師遊擊王政先署常德協中軍都司永州鎮標左營守備程登科提標署右營遊擊恩泰前營都司宋廣東於賊匪撲城之時堵禦不力致被攻陷城池已屬罪有應得今據稟均因殺賊受傷難保非畏葸逃棄事後飾詞狡卸相應請

駁文忠公奏議

湘中稿  
臣黃上

三

旨將文耀王政先程登科恩泰宋廣東一併革職拏問辰州營都司烏什哈帶兵來省路過龍陽經該縣留其防堵雖非守土之官亦未奉委在彼堵剿惟身為武弁既經該縣商留卽有剿賊之任乃不能極力堵禦以致縣城失陷所帶兵丁又被衝散實屬庸懦無能烏什哈應請卽行革職以示懲儆澧州知州胡鏞等於賊匪圍攻之時未能悉力固守致掾破擁入州城雖據稟旋經擊退究屬防禦不力且查該匪旣已入城所

稟倉庫監獄衙署均各完好等情亦難遽信相應請

旨將澧州知州胡鏞署澧州參將張昕均卽革職如查有前項情弊再行從嚴參辦此外各失事文武員弁應參辦者容俟查明另參再常德府知府景星副將富勒敦武陵縣知縣朱元曾署武陵縣縣丞秦維松把總鄒萬盛據稟被賊戕害把總談金魁外委王俊業已陣亡告病在籍之山西神池縣知縣高注帶勇殺賊力竭被執罵賊不屈致被賊匪割去口舌遍體鱗傷受害最

駁文忠公奏議

冊中稿  
實上

畧

慘又舉人周之楨於城破時投河殉節該官紳將弁等大節凜然均堪憐憫應請

旨從優賜卹以慰忠魂謹會同革職前禮部侍郎

臣

曾國藩提督臣塔齊布恭摺具

奏伏乞

皇上聖鑒訓示謹

奏

咸豐四年七月初八日拜發奉

硃批另有旨欽此

特參江華文武稟報剿賊不實摺

奏爲特參稟報剿賊不實之縣營請

旨卽行革職以肅

功令事竊湖南永州一帶界連廣西時有土匪出

沒迭經

臣

札飭各州縣督率士民認真團練巡

防並將出力紳勇隨時獎敘分別鼓勵在案本

年三月間先據江華縣知縣胡開勳稟報是月

十五日探有廣西涼水井等處匪徒千餘人竄

入該縣邊境搶掠焚燬李姓民房殺人祭旂續

據胡開勳會同護遊擊陳進榜稟稱該縣營與

略又忠公奏議

湘中稿  
田廣上

呈

署嶺東營守備伍化蛟等會督紳士兵勇團練

分投往捕十七八等日在白芒營兩次斃賊百

數十名生擒李月秀等十二名當卽正法餘匪

翻山逃逸等情

臣

查該匪等果已聚黨千餘殺

人祭旂焚掠實屬罪大惡極旣經擒殺多名因

何並不乘勢追擊任其逃逸且已擒殺之匪徒

究係何人之力稟內聲敘含糊經

臣

駁飭確查

去後茲據護永州鎮朱瀚署永州府知府黃文

琛委員密查涼水井賊匪於三月十七日竄入

江華縣白芒營地方人數無多實無千人之衆

亦無殺人祭旗因焚搶生員李開學錢穀房屋官兵未到經白芒營團紳及各處團丁連次擊散並查得該署守備伍化蛟於十六日帶兵出城駐紮十八日督兵前進行至中途知匪已散此次剿捕匪犯實係團眾之力地方現已安堵該縣營等稟報不實稟據藩臬兩司會揭前來

臣查廣西涼水井匪徒竄入江華縣境據該護鎮等委查人數無多僅止焚掠李開學家房物乃胡開勳近在咫尺並不偵探確實輒以匪徒千餘殺人祭旗等情混行稟報其與陳進榜稟報捕賊情形又不將官兵未到之先卽經團丁擊散緣由詳細聲敘難保非有意張大其詞事後希圖邀功飾詞具稟又署守備伍化蛟旣已帶兵出城因何不卽督兵前進亦畏有畏蕙逗留情弊除護遊擊陳進榜已於另案參辦外相應請

旨將江華縣知縣胡開勳署嶺東營守備升補長安

營千總調署左營千總伍化蛟均卽革職以便

提省飭審如查有誑報邀功及有意逗留情事

再行從嚴參辦以肅軍政謹會同署提

臣

塔齊

布恭摺具

奏伏乞

皇上聖鑒訓示謹

奏

咸豐四年七月初八日拜發奉

硃批另有旨欽此

駱文忠公奏議

明中稿

聖

請留廢員差委摺

奏爲廢員人材可惜懇留差委事竊前署道州知州王揆一因咸豐二年四月逆匪攻撲道州帶兵防堵之丁憂提督余萬清潛啓西門將防兵帶去逆賊從西門搶入王揆一急督兵勇截擊受傷未死憤激投河經紳民陳立紀等撈救得生當經前大學士<sub>臣</sub>賽尚阿審驗屬實並將該員署篆數年頗有循聲民情愛戴聲明請將該革員發往軍台效力贖罪嗣經部<sub>臣</sub>議奏王揆一因提督余萬清開門走出未向該員告知被

駁文忠公奏議

<sub>湘中瑞甲寅上</sub>

哭

賊匪闖入城內該員率眾禦賊身受多傷雖非該員貽悞究屬失守城池至該大臣所奏該員頗有循聲民情愛戴等語乃守土職官分所當然不得以此減罪<sub>臣</sub>等公同酌議王揆一應改依被賊攻陷城池守土州縣擬斬監候例上量減一等擬以杖一百流三千里仍從重發往新疆效力贖罪欽奉

硃批王揆一著發往新疆效力贖罪欽此因未奉部覆尚未起解旋據該廢員報捐銀三千兩懇免

發遣經

<sub>臣</sub>

附片



奏請欽奉

硃批不准留遣亦不准報捐以杜僥倖該部知道欽此  
臣竊維王揆一失守城池厥咎甚重我

皇上特允部臣所請發往新疆於嚴譴之中已寓未減之意無非以道州失守實由余萬清畏賊棄城開門潛遁該廢員事出倉卒擊賊受傷鄉民力救得生與尋常失守城池官吏究屬有閒始從量減之議以持情法之平

聖意高深權衡至當臣何敢復行瀆請自取愆尤顧

念王揆一失守之故與尋常州縣不同而平日

聖文忠公奏議

湖中病甲寅上

覽

居官之優亦與尋常州縣迥異亦有不敢不據實直陳者臣自前任湖南巡撫時諭知該廢員在道州署任內甚洽輿情上年蒙

恩復任湖南接見僚屬士民無不爲該廢員極口痛惜者前該廢員報捐銀三千兩卽係道州紳民湊集代爲呈繳其素得民心可知道州孤城斗大當劇寇長驅深入之時危城可保與否本難逆料然非余萬清開門潛逃逆賊何能奪門直入至今該州紳民尚謂余萬清不走道州可望完全其詞雖未可信以爲真然該廢員以失守

被罪則實余萬清有以致之臣曾傳見該廢員  
驗其左肱左脇傷痕鱗比委係當時禦賊被  
傷賽尚阿原奏本屬實情余萬清既蒙

恩待罪江南該廢員亦蒙

恩遣戍塞外江南與塞外同一效力之場而失守與  
潛逃亦在罪均之列仰懇

逾格鴻慈將王揆一暫留於湖南軍營差遣倘該廢  
員既蒙

聖主再造之恩尚不知奮勉圖報卽謹遵

前旨發往新疆亦未爲晚似此可爲循良之勸而亦

不致開僥倖之門伏乞

聖文忠公奏議

湘中稿  
甲寅上

五

聖裁至湖南各州縣城先後失陷該管各上司俱奉  
嚴旨降革內有永州府知府徐嘉瑞一員因所屬道

州江華永明失守該員係不同城知府部議照  
例革職臣查徐嘉瑞操守謹嚴老成樸實爲知

府中不可多得之員自粵賊竄楚以來永州首  
當其衝該員和輯兵民嬰城固守殺賊多名賊

知城堅難犯援兵將到遂繞由陸路狂竄道州  
永州府城賴以保全無失上年該員署理衡永

郴桂道篆正當會匪土匪四起之時該員遇警

或調兵勇掩擊或親往督剿辦理俱合機宜所屬會盜各匪旋起旋滅該員亦著有微勞可否將該員處分寬免留於湖南委用之處出自

天恩臣於湖南獲咎各員中獨於徐嘉瑞王揆二兩員叩懇

恩施者因湖南一省適當多事之秋靖內訌而禦外

寇固賴武員之奮勇驅除尤賴文員之撫綏安

輯守令中人材難得每一缺需員委署臣與藩

臬兩司詳加遴選求其愜心當意者十難一二

誠以地方安危全在守令使守令不得其人則

駁文忠公奏議

湘中稿  
甲寅上

至

有事之處不能無事無事之處且將有事所係實非淺鮮該革員徐嘉瑞廢員王揆一久任湖南地方官聲夙著是以不揣冒昧妄爲瀆請倘存見好屬員之心不特深負

高厚鴻恩且亦何顏立諸僚屬士庶之上愚昧之見謹據實直陳伏乞

皇上聖鑒訓示施行謹

奏

咸豐四年閏七月初十日拜發奉

硃批另有旨欽此

通籌防剿大局謹擬製辦船礮摺

奏爲通籌防剿大局謹擬製辦船礮以固本省藩籬而資大營接濟現飭紳民設局捐辦仰祈

聖鑒事竊逆賊本年三次上竄疊經官軍竭力攻剿

仰仗

皇上威靈將士忠勇奮發水陸連獲大捷餘賊喪膽

下竄湖南地方一律肅清提臣塔齊布革職前

禮部侍郎臣曾國藩卽當遵

旨整軍東下臣前奉

諭旨任楚鄂交界地方妥籌防堵仰見我

駿忠公奏議

湖中稿  
甲寅上

五

皇上洞燭幾先通籌東南大局必上游水陸諸軍隨剿隨進而後江面之肅清可期必岳州地界防守嚴密而後楚蜀滇黔兩粵無虞而東下之水陸兩軍餉道亦可無梗

聖謨廣運欽服難名竊維天下大局西北之形勢在陸利用車馬東南之形勢在水利用舟楫自逆賊狂竄以來糜爛數省瀕水郡縣生靈受其荼毒擄脅日衆兇燄日張所以縱橫恣肆未能遏其衝突者賊掠取江湖舟艦以數萬計長江數千里民船爲空沿江險要均爲賊踞一旦順風

揚帆伺便狎至官軍有陸路而無水師來莫拒而去莫追以致坐受其困自奉

明詔籌辦舟師始有湘潭岳州諸大捷逆賊大股剿敗疆圍危而復安此則舟師協剿之明效也

臣

維楚鄂交界險要地方無過岳州城北十五里之城陵磯荆河口兩處而兩處對岸相距不逾十里湖南全境之水入湖由城陵磯而入江四川全境之水入江由荆河口而東下水道守此湖南一省固可無虞卽湖北之荊州宜昌以及入川水路均可控扼所謂地有必爭者此也然

聖忠公奏議

湘中稿  
四頁上

五

欲於此設防爲重扼上流之計自不得不籌備水師欲籌備水師自不得不籌備船礮兼購木簞以重其險此防守要隘所宜預爲籌及者也且賊勢猶盛賊船復多非節節攻剿不能以次收廓清之效

臣

曾國藩所統水師船礮本不爲

多七月十六日登州鎮

臣

陳輝龍接仗失利所

失船礮不少雖經

臣

曾國藩多方整理漸已復

振然戰船時須修脩礮械時須添補倘攻剿喫

緊之際一物不備恐致坐失機宜此又接濟大

營所宜預爲籌及者也湖南頻年以來兵端疊

起軍餉浩繁庫款久空專盼捐輸接濟雖明知製船鑄礮爲今日萬不可緩之舉而力艱時絀興辦爲難兼之紳民捐輸籌餉之外又有捐輸城工及本地團練經費一戶數捐筋力俱乏未可強以所難正在再四籌畫之時連日接見在籍前翰林院侍講學士丁善慶前工部員外郎陳本欽同知銜卽選知縣唐際盛鹽提舉銜舉人李槩等談及防剿大局亟宜製備船礮意見僉同該紳等均稱水陸官軍旣連獲大捷正宜及時妥籌防剿以期保衛鄉里協濟樓船稍紓

駱文忠公奏議

湘中稿  
田前上

書

聖主宵旰憂勤之意惟洋礮一項未諳作法前蒙奏調浙江候補知縣龔振麟及其子之棠如能速携鐵模來南固可卽由紳局損資鑄造倘來此需時誠恐緩不及急卽由官咨催廣東採辦夷礮以濟急需至製船工料併旂幟軍械一切均由紳設局捐辦釐造大小戰船百餘隻如捐項較多再行添造現在一面採購船料擇吉興工一面分投勸捐以期迅速臣查該紳等當茲餉需匱乏之時猶能力肩重任倡義集貲捐辦實爲難得湖南民風敦樸夙重節槩卽此可見上

年曾奉

諭旨紳民人等情願僱備船礮隨同剿賊著該督撫等隨時保奏獎勵今該紳民捐貲監造更與僱備不同可否仰懇

天恩俟船礮造成估驗合用卽照籌餉例給與各捐生獎敘以昭激勸出自

鴻施此項船礮既由紳捐辦將來自應免其造冊報銷容臣於專案

奏獎時再爲聲明所有遵

旨防堵勸諭捐辦船礮原由謹會同革職前禮部侍

駁文忠公奏議

湘中瑞

五

郎臣曾國藩由驛陳

奏伏乞

皇上聖鑒訓示施行謹

奏

咸豐四年閏七月十六日拜發奉

硃批另有憑欵此

請留胡臬司駐守岳州片

再欽奉

諭旨湖南省雖無賊蹤而岳州一郡屢陷屢復幾為該逆去來自由之地著駱秉章迅飭胡林翼督帶練勇嚴密籌防仍竭力搜捕餘匪俾地方一律肅清毋致再有疏失仰見我

皇上聖慮周詳無遠不照誠以岳州一郡地踞上游為楚蜀滇黔兩粵六省必爭之要地且水陸兩軍指日東下所有餉需軍裝器械及添補戰船添調兵勇水陸兩道皆須從岳州經過是岳州

駱文忠公奏議

湘中稿  
原上

五

一郡不獨六省藩籬抑係大軍根本臣所以擬增水陸兵勇籌備船礮木簰俾成雄鎮者非徒以嚴西南之防亦所以壯東南之勢也臣未奉

諭旨之先已飛調新任四川臬司胡林翼帶勇馳赴岳州相機防剿擬將來水陸各兵勇赴岳後一

併歸其統帶前接曾國藩檄稱擬奏調胡林翼帶勇東下臣比答以岳州緊要胡林翼不可隨

往頃接曾國藩本月十一日螺山舟次來咨并手械知臣復械未到之先已於本月初九日附

片



奏明請

旨飭令該臬司管帶黔勇酌撥他路兵勇自成一隊

隨同東征臣維胡林翼以文臣兼嫻武略帶勇

隨征固可期其得力但岳州關係甚大必須重

兵駐守始爲計出萬全且武漢各府州縣久淪

於賊土匪四處蠶起又民俗波靡逆賊至則蓄

髮輸貲官兵來則雍頭求免民情甚不可恃兼

之江西界連之武甯縣義甯州等處匪黨未就

殲除本省之巴陵臨湘華容餘匪尚須搜剿此

次大軍東下利在遡行原不服久留鎮壓設使

駁文忠公奏議

湘中瑣

五

大軍東下之後餘匪復肆鴟張或逆賊乘我軍

後路空虛間道抄襲致大營糧台聲息中梗所

關殊非細故頻年逆賊縱橫兇餓日熾經湘潭

岳州屢次大捷大局甫有轉機豈可稍涉疏虞

自貽伊戚湖南官紳兵勇之曾經戰陣者均已

調赴東征若胡林翼又復帶勇隨征則岳州一

軍更不可恃於大局實兩有所防臣愚昧之見

胡林翼隨同東征不過多一起勁旅而以此時

事勢言之則駐守岳州遙爲大軍聲援俾大軍

無後顧之憂數省有藩籬之固尤於大局有神

應仍遵前

旨飭令胡林翼駐岳籌防搜捕餘匪以期妥慎是否  
有當伏乞

聖裁謹

奏

咸豐四年閏七月十六日拜發奉

硃批另有旨欽此

駱文忠公奏議

田中壩

奏

參劾文武各員摺

奏爲參劾文武各員以肅吏治而飭戎行事竊維  
治民以察吏爲先治兵以選將爲要誠以患亂  
之生由於民情之不靖實由於吏治之不修入  
會習教戕官謀逆者匪也好勇疾貧殺人行劫  
者盜也上失教故民惑於邪說而會匪以生上  
失養故民迫於饑寒而盜賊以起此吏治之失  
於其始也匪與盜初起之時數健卒縛之而有  
餘乃丁役則有庇縱之弊官幕則畏辦案之煩  
以致族鄰恐其株連憂其報復則有隱匿之事

駱文忠公奏議

湘中稿  
甲寅上

五

甚或正犯巧脫而累及平民匪黨誣攀而罪及  
原告是非顛倒無所適從小民畏匪盜之勢餒  
且相與暱而比之以倖旦夕之無故此吏治之  
失於其中也匪盜之勢雖熾然就一州一縣而  
論少或數百多或千餘止矣合其地良民計之  
奚止十倍於此夫以十之九之良民治十之一  
之匪盜宜若有餘而勢常不足者民與民勢不  
相屬故心不齊官與民情不相孚故事不舉富  
者吝其財貧者吝其力言保甲言團練言併村  
結寨僅託虛文官非其人徒法何益此吏治之

失於其後也竊以爲安民莫先於察吏者此也  
兵有強有弱而其實無所謂強無所謂弱視其  
將領而已將領得人則廉以率屬而額可足勤  
以練兵而技可優忠義以倡其勇敢之氣而膽  
可壯否則兵有輕其將領之心而怯者亦驕兵  
有不顧其將領之心而驕者仍怯出隊則憂其  
怯歸營又苦其驕而兵乃不可用矣竊以爲治  
兵莫要於選將者此也

臣 渥蒙

恩命兩任湖南巡撫於所屬文武時常用心體察雖  
文員之實心勤民武職之整飭營務者亦尚有

駱文忠公奏議

關中稿  
四十一

字

之而闖昔不職者正復不少查新升岳常澧道  
謝鶴翎材質拘迂辦事竭蹶所轄地方與湖北  
接壤正值籌辦防剿諸務殷繁之際該員斷難  
望其勝任應請

旨以六部郎中改用歸部銓選新化縣知縣趙宗崙  
年力衰頹難期振作請卽勒令休致黔陽縣知  
縣彭寅庸懦無能諸務廢弛以致盜風日熾署  
嘉禾縣知縣永州府經歷紀煥詢麤率險戾輿  
論譁然署桃源縣知縣候補通判樊淳樸猥鄙  
糊塗不堪造就均請

旨卽行革職靖州協副將李璋年力就衰請卽勒令  
休致提標都司署鎮筵遊擊景福愎而兼猾嗜  
好又多署丞綏協副將撫標右營遊擊劉建綱  
性情卑鄙辦事麤疏該二員皆不能約束兵丁  
應請

旨卽行革職此外各員容臣與提臣及藩臬兩司逐  
一訪察隨時舉劾力挽頽風肅吏治而飭戎行  
以期仰副我

皇上矜宥安民之至意謹會同提臣塔齊布恭摺具  
奏伏祈

略又忠公奏議

相中書  
甲寅上

空

聖鑒訓示施行再署督臣楊霈現聞遠駐德安不及  
會銜合併聲明謹

奏

咸豐四年閏七月十六日拜發奉

硃批另有旨欽此



